

036060

1933 წ.

№ 90

# დავით უკიდავალი საქართველო

La Géorgie

Indépendante

Revue mensuelle

JUIN

1933—№ 90

საქართველოს პოლიტიკური პარტიების ორგანო.



PIERRE RENAUEL

პიერ რენაუელი

კ ა ქ ტ ი დ ა ს ა ქ ა რ თ ვ ე ლ ო

16 და 18 მაისს «დიდი დღეები» იყო, როგორც იტყვიან, საფრანგეთის პალატაში. ეს ორი სხდომა მართლ თავდაუსწმელობის პაქტს მოანდომეს და ბოლოს რეზოლიუციაც მიიღეს ერთხმად, ზოგიერთის თავშეკავებით.

მხედველობაში მისაღებია ორი გარემოება: ფორმალური და პოლიტიკური. ნოემბერში ხელმოწერილი პაქტი თებერვალში შევიდა ძალაში, ე. ი. მას პარლამენტის რატიფიკაცია არ ექივრებოდა. მაშასადამე, დებატებს პალატაში უფრო თეორიული ხასიათი ჰქონდა, ვინემ პრაქტიკული, და რეზოლიუციაც მხოლოდ პაქტის უკანა რიცხვით მოწონებას შეიცავდა.

მეორე გარემოება უფრო მნიშვნელოვანია—ეს პიტლერის გამარჯვება, რამაც დააჩქარა ძალაში შესვლა. არა ერთხელ შევხებულვართ ამ საგანზე და ესლა მხოლოდ იმას შევნიშნავთ, რომ რადიკალების წრეებში თითქო სერიოზულად სწამთ მოსკოვის ჩამოშორება ბერლინისგან და ამაზედ თავის საგარეო პოლიტიკის აშენება.

სხვაფრივ გაუგებარი იქნებოდა მათი ბელადის ერიოს პაქტის ასეთი მხურვალე გამჭოქმაცება პალატის ტრიბუნიდან. ვინც უსმინა მას, უთუოთ მიიღებდა შთაბეჭდილებას, რომ ორატორი არ ხუმრობდა, პირიქით, ცდილობდა რაც შეიძლება მეტი სიტბო გამოეჩინა კრემლის მედროვეთა მიმართ. მართალია, ერიო პაქტის ხელმომწერია, მაგრამ იმ ზომამდე გატაცება, რომ ბრესტ-ლიტოვსკი გაემართლებინა,—ამას არავინ ელოდა და, დახვთ, ერთი ტაშიც არა ხვდა მისი სიტყვის ამ ადგილს.

რაც არავის გაკვირვებია—ეს ტორესის მიერ გათერთება იმავე ბრესტ-ლიტოვსკის, ერიოზე ადრერა თქმა უნდა, სხვა დროსა და გარემოებაში ადგილი არ ექნებოდა ისეთ სკანდალს, როგორიცაა ტორესი მომხსენებლად! თუმცა შემამსუბუქებელ გარემოებად ისიც უნდა ჩაითვალოს ალბათ, რომ ტორესს სწყუროდა პირველი თავისი გამოსვლა (ახალი დეპუტატია) სწორედ პაქტისათვის მიეძღვნა. და ეს ხომ გათელილი გზაც იყო მისთვის. მთელი წლები მოსკოვის ინტერესების დამცველი სასამართლოში, ის უკვე საკმაოთ მომზადებული იყო ამ როლისთვის პალატაშიც. უეჭველია, სხვა ვინმე მის ადგილზედ თავს შეიკავებდა, მაგრამ გვაგონდება რენოდელის ერთი ფრაზა, ტორესისკენ გადასროლილი ქართველების პროცესზედ: პატიოსნებაც კაი საქონელიაო.

მერმე როგორ ამართლებდენ ბრესტ-ლიტოვსკს ერიო და ტორესი? აქაო და, დიდი ომის დროს ტროცკიმ მიმართა საფრანგეთის ელჩს ნულანს დახმარებისთვის—რჩევით და იარაღით—, მაგრამ მან ყურბიც არ გაიბერტყა და ბოლშევიკები იძულებული გახდენ «ფინთ ზავზედ» ხელი მოეწერათო. ასე მარტივად აქვთ საქმე წარმოდგენილი! ცნობილია, ტროცკიმ თავი შეიკავა, მაშასადამე, წინამდევ არ მიუცია ხმა, როცა ლენინმა გაიყვანა პარტიულ ცე-კაში ბრესტ-ლიტოვსკის ზავი; ისიც ცნობილია, რომ პრინციპოს გმირი ერთგვარ ფრონდას აწარმოებდა ლენინის წინამდევ და არაა გასაკვირი, თუ საფრანგეთის ელჩს მიმართა. მაგრამ არავინ კითხულობს, და ეს კითხვა არც კი დაუსვამთ ფრანგ ორატორებს: შეეძლო თუ არა რუსის ჯარს, თუ გინდ საფრანგეთის დახმარებით, გამაგრებოდა კაიხერის ჯარს? არა, რა თქმა უნდა, ამას სამხედრო ავტორიტეტები, თვით ბოლშევიკებიც არ უარყოფენ.

რატომ? იმიტომ რომ რუსის ჯარების რღვევა და დემორალიზაცია კიდევ ოქტომბრის გადატრიალებამდე მოხდა; და თვით გადატრიალება განა შესაძლებელი იქნებოდა, რომ ჯარები თვითნებურად არ დაძრულიყვენ ფრონტიდან? მაშასადამე, იმის დაშვება, რომ თებერვალს 1918 წელს, ე. ი. ოქტომბრიდან ოთხი თვის შემდეგ, შესაძლებელი იყო რუსეთის ფრონტის აღდგენა, თავის მოტყუებაა, სულ ერთია, ნებით თუ უნებლიეთ.

ჩვენ არ ვიტყვით, რომ რუსეთის ფრონტის დაშლა მართლ ბოლშევიკებს მიეწერება—მიწეხი ბევრი იყო და არც ვეხებთ მათ—, მაგრამ ერთი მათგანი, და არა-უკანასკნელი, რომ ბოლშევიკების დამრღვევი მუშაობა იყო ჯარში, ამას ვერავინ უარყოფს. მართლ მათი ლოზუნგი—დაძმობილი მტრის ჯართან—რადა ღირს იმის გასაგებათ, თუ რატომ გაატარეს ლენინი და კომპანია დაპლომბილ ვაგონში გერმანიით პეტროგრადისკენ.

მაშ ქართველები სულელები ვყოფილვართ, როცა ოსმალეთის სარდლობამ წინადადება მოგვცა—გამოგზავნეთ დელეგატები ბრესტ ლიტოვსკშიო, ჩვენ უარი შევუთვალეთ, კავკასიის სახელით! ჩვენ არ გვეყავდა ტფილისში არც საფრანგეთის და არც სხვა სახელმწიფოს ელჩი, ვიყავით განმარტოებულნი, მოწყვეტილი დასავლეთს, ჩაკეტილი სრუტეებით და უკნიდან კიდევ ოსმალეთის ფრონტიდან მოზღვაებული ჯარი განადგურებას გვემუქრებო-

და. ჩვენ არ ვიცით, როგორ აფასებენ ერთი და ტორვის მაშინდელ საქციელს, ვიტყვიტ მხოლოდ, რომ ჩვენ არ ვნანობთ მას.

მაგრამ ჩვენ არა ვართ მოწოდებული სავსებით საფრანგეთის საგარეო თუ საშინაო პოლიტიკას მსჯავრი დავსდით, ვიცით ჩვენი ადგილი და თუ ვეხებით ვაკვირით, მართლ იმიტომ, რომ პაქტი საქართველოსაც ეხება, რაცა კიდევ აღნიშნეს ორატორებმა პალატაში, და მათ სიტყვებს მკითხველი ქვევით გაეცნობა.

პირველათ კომუნისტმა დორიომ ილაპარაკა საქართველოზე, და, რა თქმა უნდა, მის საელჩოს შეუტია. მან განიმეორა მოსკოვის მიერ დაკვეთილი ფრაზა: რას იტყოდით, ბერლინში რომ ელზას-ლოტარინგიის საელჩო არსებობდეს! დორიო რომ «კომინტერნის ელჩი» არ იყო, როგორც მას უწოდა საგარეო მინისტრმა პოლ ბონკურმა, ადვილათ დაინახავდა განსხვავებას: ელზას-ლოტარინგია გერმანიას არ უცვნი, ისე როგორც საფრანგეთს, დამოუკიდებელ სახელმწიფოდ, მაშასადამე მის საელჩოზე ლაპარაკი ზედმეტია. მეორეს მხრით, მოსკოვის სილაჩრე იმაში გამოიხატება, რომ მან არამც თუ იცნო საქართველოს დამოუკიდებლობა, არამედ დღესაც დაინახავთ მის კანონთა კრებულში საქართველოსთან დადებულ ხელშეკრულებას,—მაშასადამე, ის ვერ ბედავს საქვეყნო სტქვას, რომ საქართველო დამოუკიდებელი არ არის.

დორიოს უკმეზობა უფრო შორსაც მიდიოდა: საქართველო კმაყოფილია, იქ სიწყნარებაა. რომელ სიწყნარებას ლაპარაკი—სასაფლაოს სიწყნარებაზე? რამდენია დახვრეტილი? რამდენი ზის ჩეკის ჯურღმულებში? რამდენია გადასახლებული?

სოციალისტმა მუტემ წინადადება მისცა კომინტერნის ელჩს: მიეცით ქართველ ერს საშუალება სტქვას, რა ურჩევნია—თავისუფლება თუ ყმობა. დორიო სდუმდა, მას არ მოსვლოდა მოსკოვიდან, რა უნდა ეპასუხნა. მუტემ დაანახვა პალატას, როგორ იცნეს სახელმწიფოებმა საქართველო, როგორ ვერაგულათ შეუსია მას მოსკოვმა წითელი ჯარი. და დაბეჯითებით მოსთხოვა რესპუბლიკის მთავრობას შექმნას ქართველ ლტოლვილთათვის განსაკუთრებული სტატუსი.

ერთი, ავტორი შესანიშნავი მეთაურისა—«აღმოსავლეთის ბელგია» ანუ საქართველო, ცხადია, უყურადღებოთ არ დასტოვებდა მას და ხმამაღლა აღნიშნა როგორც ქართველი ერის ტრადიციული მეგობრობა ფრანგ ერისადმი, ისე ფრანგთა «უღმესი პატივისცემა» ქართველ ერისადმი. ნუ დაივიწყებთ,

ერთი ის სახელმწიფო მოდვანა, რომელმაც იცნო 1924 წ. საბჭოები და, მიუხედავად ამისა, საქართველოს საელჩო ხელუხლებლად დასტოვა.

მაგრამ ეს არაჩვეულებრივი დიპლომატიური აქტი მოხდა სოციალისტურ ფრაქციის ენერგიულ ჩარევით. სწორეთ მან მიმართა ერთს ვრცელი და დასაბუთებული წერილით საქართველოს და მის საელჩოს დასაცავათ. მან მეტიც ქნა: მიანდო თავის წევრს რენოდელს აედო თავის თავზე ზრუნვა, თვალყური ედუნებია წერილში გამოტქმულ აზრების განადგობისათვის. მას აქეთ რენოდელს მეტ-სახელად «საქართველოს ვეკილი» დაერქვა! საითქენაც არ გაიხედავდით, პალატაში თუ მთავრობაში, საგარეო სამინისტროში თუ სასამართლოში, თქვენ წაწყებოდით რენოდელს, ადგზნებულს, მჭერმეტყველს, დაულაღავს დაპირველ სიტყვებიდან მიხვდებოდით, რომ თქვენს წინაშე სდგას არა ვეკილი, არამედ საქართველოს თავდადებული მეგობარი, მოამაგე, პირისუფალი.

რენოდელის გამოსვლას პალატაში—და ეს არ იყო, რა თქმა უნდა პირველი—შეგვიძლია ისტორიული ვუწოდოთ. აქ მსმენელის ყურადღებას იქცევდა როგორც შინაარსი, ისე კიდევ უფრო ფორმა, კილო, ხმა... ამ ხმაში ჩვენ მოგვესმა ქართველი ერის დღევანდელი ტრადედია.

რენოდელმა გვიწოდა «პატარა ერთი», ის მართალი იყო, მაგრამ ჩვენი საქმე ისე დიდია, ისე სპეტაკი, ისე სამართლიანი, რომ «დიდი რუსეთი» ვერ ბედავს სასპარეზოთ გამოსვლას «პატარა საქართველოსთან». სულგანაბული დარბაზი თანაგრძნობით უსმენდა ჩვენს მეგობარს. გვაგონდება მემარჯვენე დებუტატის ედუარდ სულიეს კერძო მუსაიფში ნათქვამი: როცა საქართველოს ეხება კითხვა, ჩვენს შორის დავა არაა, გვავიწყდება პარტია, კლასი, ვართ ერთსულოვანი მის უფლებათა დაცვაში! ამ რიგათ, ფრანგის ერთი, კომუნისტთა გამოკლებით—იგულისხმება, საქართველოს უნგარო მეგობარია.

სწორეთ ამაზედ დაეკრძო რენოდელი, როცა სტქვა: წინანდელ საფრანგეთს არ უცვნი საქართველოს ანექსია მეფეთა მიერ, რესპუბლიკანური საფრანგეთი არ იცნობს საქართველოს ანექსიას საბჭოთა მიერ.

უფლებას ვერ მოსპობს ვერც ძალადობა, ვერც დრო—დასძინა ჩვენმა მეგობარმა—და, როგორც მას სჩვევია, მაშინვე ერთი დადებითი დასკვნა გააკეთა, რესპუბლიკის მთავრობის სახელმძღვანელოთ: საქართველოს დამოუკიდებლობა შეიძლება გამოვიდეს თვით მოსკოვთან შეთანხმებიდანო. ეს ჩვენც გვჯერა.



თუ საფრანგეთი და სხვა დიდი სახელმწიფოები დიპლომატიურის გზით მოსთხოვენ მოსკოვს ქართველ ერის გათელილ უფლებათა აღდგენას. ამის ნიადაგს, თუ გინდ, ის რეზოლუციებიც იძლევა, რომელიც ერთა ლიგამ მიიღო ერთხმად, მაშასადამე, 50-ზე მეტ სახელმწიფოთა სახელით.

ჩვენ ვიცნობთ სტალინს, თვითონ ქართველს, მაშასადამე, თავის ერის გამცემს—, ის წინააღმდეგი იქნება, იცის, რა მოელის თავის ქვეყანაში. მაგრამ პოლიტიკას ჰქმნის არა ცალკე პიროვნებებს თვითნებობა, არამედ არსებული პირობები და შესაძლებლობანი. საერთაშორისო აზრს და მთავრობათა გარკვევით გამოთქმულ სურვილს ვერც სტალინი გაექცევა, განსაკუთრებით მაშინ, როცა მისი რეჟიმი უფსკრულის წინა სდგას.

და ეს მით უფრო, რომ ქართველი ერი არ დასტოვებს, როგორც არ დაუტოვებია საუკუნეთა გას-

წვრივ, თავისუფლებისათვის ბრძოლას. დორიოს შეურაცხყოფელი ფრანკა თითქო ქართველი ერი დამორჩილებოდეს თავის ხვედრს, მხოლოდ მოსკოვისადმი ყმობით იხსნება, თორემ, როგორც ფრანგი, ის ვერ დაუშვებდა, რომ არსებობს დედა-მიწაზედ რომელიმე ერი, რომელსაც აქვს თავისი ისტორია, ცივილიზაცია, და ერთ მშვენიერ დღეს უარი ეთქვას თავის მე-ზე.

ქართველი ერი იბრძოდა და იბრძვის არა მარტო თავის უფლებისათვის, არამედ საკაცობრიო იდეალებისათვისაც. კომინტერნის ელჩმა ვითომ არ იცის, რომ სწორეთ საქართველოს შვილნი მიუძღოდნენ რუსეთის დემოკრატიას, როცა მათ დაამსხვრინეს რომანოვების ტახტი; ხოლო ლენინის და ძმათა «გმირობა» იმაში გამოიხატა, რომ მათ მოსტაცეს გამარჯვებულ დემოკრატიას მოპოვებულნი თავისუფლებანი და კაცუამია დიქტატურა დაამყარეს.

### ს ა ზ რ ა ნ ბ ე თ - რ უ ს ე თ ი ს პ ა ძ ტ ი დ ა ს ა ძ ა რ თ ვ ე ლ ო

(საფრანგეთის დეპუტატთა პალატის 16 და 18 მაისის სხდომის ოციგ. ხტენოგრაფიულ ანგარიშიდან)

ჟაკ დღორიო (კომუნისტი): მეორე მომენტი, რომელიც არა ნაკლებ დელიკატურია, შეეხება საქართველოს საელჩოს არსებობას პარიზში. ამ თვის რვას, საქართველოს ელჩი პარიზში, ბ. ჩხენკელი, ოფიციალურად დაესწრო ბ. აღმირალ გეპრატის მიერ წაკითხულ მოხსენებას (გადაშლის ტრიბუნიდან «კუმანიტეში» მოთავსებულ სურათს). განა შესაძლებელია შევათავსოთ კეთილ-განწყობილებასთან საქართველოს საელჩოს არსებობა პარიზში, რომლის ელჩი უკვე აღარავის წარმოადგენს გარდა თავისი თავისა? ელრჟ სკაპინი. არის აგრეთვე აზერბეიჯანი და სომხეთი.

ჟაკ დღორიო. ვინაიდან საკითხი აი როგორ სდგას. იქნებოდით თქვენ კმაყოფილი, რომ ჰიტლერის გერმანიამ ელზას-ლოტარინგიის საელჩო დააბნავოს ბერლინში? (ტაში კომუნისტების სკამებზე).

მე ვფიქრობ, რომ ამ საელჩოს წინააღმდეგ თქვენ პროტესტს განაცხადებდით.

როცა ხელს აწერენ თავდაუსხმელობის პაქტს საბჭოებთან, შეუძლებელია საქართველოს ოფიციალური საელჩოს შენახვა.

ელჩი, რომელიც საბჭოთა რესპუბლიკების კავშირს წარმოადგენს, ოფიციალურად დანიშნულია ამ უკანასკნელის მიერ; ეს არ გახლავთ ბნი ჩხენკელი. მით უმეტეს, რომ საქართველო ეხლა სრულიად დაწყნარებულია და ბ. ჩხენკელისთვის თავს არ იწუნებს.

მართალია, ქართველმა მენშევიკებმა დიდი ხნის განმავლობაში შეინარჩუნეს ღრმა გავლენა საქართველოს მუშათა კლასზე. მაგრამ ამ ყამათ, მათ დაკარგეს ყოველივე ავტორიტეტი, საქართველოს მშრომელთა შორის და განსაკუთრებით ცენტრში, საცა ისინი ასე ძლიერნი იყვენ.

თფილისის რკინის გზის მუშათა შორის, რომლებიც მათ მთავარ სიმაგრეს შეადგენდენ, მენშევიკების გავლენა დღეს აღარ არსებობს. თფილისის რკინის გზელები სავსებით მიემხრენ საბჭოთა ხელისუფლებას. ასევე ყველა მუშები, ყველა ლარიბი და საშუალო გლეხები საქართველოში. ყველა იქიდან დაბრუნებული ამას ერთხმად აღიარებს.

მე ვამბობ, მაშ, რომ ამას იქით შეუძლებელია, დაუშვებთ აქ საქართველოს საელჩოს არსებობა.

მარტუს მუტე (სოციალისტი): ... პაქტის მიღება მიკარანახებს გავითვალისწინო ის მდგომარეობა, რომელშიც ჩავარდებიან ქართველი ემიგრანტები, და ის შედეგი, რომელიც შეიძლება მოუტანოს მათ თავდაუსხმელობის პაქტის მე-ნ მუხლმა.

ჩვენ საქვეყნოთ ვაცხადებთ: ხალხთა თვითგამორკვევის უფლების ერთგული მომხრენი, ჩვენ არ შევწყვეტთ ჩვენი პროტესტის ამღლებას იმ მდგომარეობის წინააღმდეგ, რომელშიაც იმყოფება საქართველო.

ბ. გღჟარდ ზულიგ. ძალიან კარგი!

მარტუს მუტე. სამითარილი ფენს ნათელს ამ საქმეს:

1920 წლის 7 მაისს, საბჭოთა კავშირის მთავრობამ იცნო საქართველოს დამოუკიდებლობა და სუვერენობა.

1921 წლის 27 იანვარს მოკავშირე სახელმწიფოები, არისტიდ ბრიანის თავმჯდომარეობით, სცნობენ საქართველოს სუვერენულ და დამოუკიდებელ სახელმწიფოთ.

მაგრამ, იმავე წლის 11 თებერვალს, ე. ი. ამ ცნობის ორი კვირის შემდეგ, წითელმა ჯარებმა გადალახეს, ომის გამოუცხადებლათ, დამოუკიდებელ სახელმწიფოს საზღვრები და ამ ხნიდან მოკიდებული არ დაუტოვებიათ მისი ტერიტორია.



ბ. დორიომ გვიტხრა, რომ ქართველები თავის ბედს არ სჩივიან, რომ საქართველოს ლეგაცია უკვე არავის არ წარმოადგენს, რომ მათი ღრმა გავლენა რკინის გზის მუშათა შორის თფილისში თუ სხვაგან გაქრა.

მინდა ვერწმუნობ-ნ დორიოს სიტყვას. მაგრამ მე ვარჩევდი, რომ ქართველებს ჰქონოდათ საშუალება, თავისუფლად ილაპარაკონ და თვით განაცხადონ, თუ რა პირობებით მიემხრობოდნენ საბჭოთა რესპუბლიკათა კავშირს (ტაში უკიდურეს შემარცხნეთა და სხვადასხვა სკამებზე).

ბნმა დორიომ საქართველოს ლეგაციის დღევანდელი მდგომარეობა გაუთანაბრა იმ პირობებს, რომელსაც შექმნიდა ელზას-ლოტარინგიის ლეგაციის არსებობა ბერლინში. ჩვენ შეგვიძლია, ამ კრებაში ელზასის მიერ არჩეულ წარმომადგენელთა წინაშე განვაცხადოთ პროტესტი ასეთ გათანაბრების წინააღმდეგ.

იმ დღემდე, როცა საქართველო თვით გადასწყვეტს თავისუფლათ თავის ბედს, და ეს უქველათ დადგება—და ჩვენ გვინდა მალე დადგეს—ვაცხადებ: მიუხედავთ იმისა, რომ არ გვწამს ომი უფლების აღსადგენად (ტაში უკიდურეს შემარცხნეთა და სხვადასხვა სკამებზე), იმ დღემდე ვერავინ შეგვიშლის ხელს აღვამდლოთ ეს პროტესტი უფლების სახელით ძალადობის წინააღმდეგ (ახალი ტაში).

მაგრამ ჩვენ ვიმყოფებით ფაქტიური მდგომარეობის წინაშე: 12 წელიწადია აღარ არსებობს ფაქტიურათ საქართველოს სახელმწიფოს სუვერენობა. აქედან გამომდინარეობს ზოგიერთი შედეგი საერთაშორისო უფლებრივი ხასიათისა, რაც თავისთავათ ცხადია, ხელს უშლის გამუდმებულ არსებობდეს ოფიციალური ლეგაცია, რომელიც წარმოადგენს უკვე აღარ არსებულ მთავრობას.

მაგრამ ჩვენ გვრჩება ყოველ შემთხვევაში უფლება; მოვთხოვთ ჩვენს მთავრობას—და საბჭოთა მთავრობას არ შეუძლია დაინახოს ამაში თავის უფლებათა დარღვევა—არა მარტო დაცულ იქნას ქართველებისათვის თავშეფარების უფლება, არამედ არ იქნას მიჩნეული პაქტის დარღვევით ამ გადმოხვეწილთა წარმომადგენელი კოლექტიური ორგანიზაცია, რომელსაც არავითარი ხელისუფლების და ოფიციალური ხასიათი არ ექნება და რომელიც მიუხედავთ ამისა შეძლებას მისცემს მათ არ გრძობდნენ თავს საფრანგეთში ჩვენი პოლიციის უბრალო ქვეშევრდომებათ (ძალიან კარგი! ძალიან კარგი!).

როგორც ჩვენ, არც ისინი ამყარებენ თავის იმედებს ომზე თავის უფლებათა განსახორციელებლათ. ისინიც, როგორც ჩვენ, მზათ არიან სტუმართმოყვარეობის კანონის თანახმად პატივი სცენ პაქტის მოთხოვნილებას, რომელიც ჩვენი ღირსების კანონათ უნდა იქნეს მიჩნეული.

ნუ დავტოვებთ მათ ჩვენი ადმინისტრატიული წესების ამარა იმ დროს, როცა, მეორეთ დამარცხებულნი, ისინი თავისი მწარე ბედის სიღრმეს სწვდებიან.

ედუარდ ხუელი. ჩვენ სავსებით თანახმანი ვართ.

ედუარდ ვრიო. ... ამის გამო უნდა ითქვას სხვათა შორის, რომ ის (პაქტი), როგორც ყოველივე პოლიტიკური აქტი, გულისხმობს ზოგიერთ შედეგებს. აქ აღნიშნეს ასეთი შედეგები შესახებ საქართველოსა.

მე ვუღალატებდი საფრანგეთის ტრადიციას, რომ არ განვაცხადო: მართლაც ჩვენ ყოველივე დონე უნდა ვიღწოდოთ, რათა იურიდიულ და დიპლომატიურ კეთილსინდისიერებას, რაიცა ჩვენი ეროვნული ლოიალობის მხოლოდ ერთი ფორმათაგანია, შეუთანხმთ მთელი ის ყურადღება, რაიცა გვმართებს საქართველოს მიმართ, რომელიც მუდამ ცხად ჰყოფდა თავის უღრმეს ერთგულებას საფრანგეთისადმი, და რომელსაც ჩვენ უდიდეს პატივს ვცემთ.

ბივრ რენდელი. ჩვენ სავსებით ვუერთდებით ამ პაქტს, მაგრამ ჩვენს ხმის მიცემას თან სდევს ერთგვარი ნაღველი, ვინაიდან უნდა აღვიაროთ, რომ დიდმნიშვნელოვანი საერთო ხასიათის აქტების გულისათვის იძულებული ვხდებით ხანდინან მსხვერპლი გავიღოთ პოლიტიკურად ნაკლები მნიშვნელობის საკითხის ხარჯზე, მიუხედავთ უღრმესი თანაგრძობისა ამ უკანასკნელის მიმართ. უქველივ თქვენ გაიგეთ აქ ის წუხილი, რომელიც ესეცაა გამოსთქვა ჩემმა მეგობარმა მარტუს მუტემ საქართველოს მდგომარეობის შესახებ.

საქართველო, როგორც იცით, პატარა ქვეყანაა, რომლის იურიდიული და ფაქტიური დამოუკიდებლობა ცნობილია მრავალი ხანელმწიფოს მიერ და მათ შორის საფრანგეთის მიერ. საქართველოს დამოუკიდებლობის პრობლემანზე ერთა ლიგის მიერ გამოტანილ იქნა ამ ქვეყნისათვის სასარგებლო და მნიშვნელოვანი მოსაზრებანი.

უნდა ვიფიქროთ თუ არა დღეს, რომ საფრანგეთსაბჭოთა რუსეთის პაქტი სცვლის რამოდენიმეთ საქართველოს მდგომარეობას, რამდენად ეს ეხება საფრანგეთთან დამოკიდებულებას?

ვიცი—და ეს არ დამიმაღავს არც ჩემი ქართველი მეგობრებისათვის—რომ მას შემდეგ რაც 12 წელმა განვლო, ძნელი წარმოსადგენია, რომ დაუსრულებლად და მუდმივად მივიჩნიოთ არსებობა იმ მთავრობისა, რომელსაც ამა თუ იმ მიზეზის გამო თავისი ქვეყანა დაუტოვებია.

და ვინაიდან ჩვენ ვცნობთ ამ სიძნელეს, არ გვაქვს განზრახვა მოვთხოვთ მთავრობას დაიცვას ის წესები და ის მოქმედება, რომლითაც აღიარებულია ეს თუ ის მთავრობა.

მაგრამ მე მოსურნე ვიქნებოდი, რომ რესპუბლიკის მთავრობამ მოიგონოს საფრანგეთის მიერ თავის თავზე აღებული ვალდებულებანი და არ დაივიწყოს ერთი რამ: მან ან ჩაიღინოს, რაც არ ჩაუდენიათ ძველს მთავრობებს, როცა ცარიზმმა საქართველოს ანექსია მოახდინა, თუ არ ვცდები, 1801 წელს. მე ვისურვებდი, რომ რესპუბლიკამ არ დაივიწყოს, რომ მას არ უცვნია უკუპაცია ძალის საშუალებით.

დავუმატებ, რომ უფლებას ვერ მოშლის ძალა, ისე როგორც ვერ მოშლის მას დროც, როცა საქმე ეხება ერის თვითგამორკვევის უფლებას და როცა იმ ერმა, რომლის ოკუპაციის ქვეშ იმყოფე-

ბა ეს პატარა ქვეყანა, თვით იცნო მისი დამოუკიდებლობის უფლება.

მე აღარ გავაგრძელებ. ჩემი მეგობარი, მარიუს მუტე, ესეცაა გამოსტყვამდა ერთ იმედს. მეც მინდა გამოვტყვა იმედი, სახელდობრ, რომ საქართველოს დამოუკიდებლობა მოგვევლინება ერთ დღეს კეთილი შეთანხმებით თვით საბჭოთა რუსეთთან და რომ ბოლოს და ბოლოს ეს უკანასკნელი შეძლებას მისცემს ქართველებს, თავისუფლად გამოსტყვან თავიანთი აზრი თავისი მმართველობის ფორმის

და ამა თუ იმ სახელმწიფოსთან დაკავშირების შესახებ.

მე მგონია აგრეთვე, რომ საფრანგეთ-საბჭოთა პაქტი უნდა შეიქნეს პირველი ეტაპი იმ ურთიერთობისა, რომლისგანაც არ არის გამორიცხული ის რაც ეხლა ვთქვი. და, შეიძლება წინააღმდეგ იმისა რასაც ფიქრობს კომუნისტური პარტია საფრანგეთში, ჩვენ სრული მოსურნენი ვართ, შევეცადოთ გავავითაროთ კეთილი ურთიერთობა საბჭოთა რუსეთსა და რესპუბლიკანურ საფრანგეთს შორის.

### აფხაზეთი უახლოეს ვაკისუფლებას და ღვინ

(წერილი საქართველოდან)

#### V. გლეხის ეკონომიური მდგომარეობა და კოლექტივიზაცია.

საქართველოს ოკუპაციამ დიდი გავლენა მოახდინა აფხაზი გლეხის ეკონომიურ ვითარებაზე. — გამოიწვია საშინელი დიფერენციაცია, უმრავლესობა გაღარიბდა, მაგრამ ზოგი კონდრბანდისტობამ, ხელისუფლებასთან ახლო დგომამ, დაპყრობის დროს ნაციონალური ქონების მითვისებამ გაამდიდრა და დიდებულად ცხოვრობს. ასეთი ხვედრი უმნიშვნელო უმცირესობისაა. ფენშიშვლობა, უტანსაცმლობა, ცუდი კვება დიდი უმრავლესობის ცხოვრების მუდმივი თანამგზავრი შეიქნა. აი ასეთ პირობებში გლეხს ხელისუფლებამ გაჰყვრებინა «თავის დასახსნელად» კოლექტივიზაცია შესთავაზა.

რას წარმოადგენენ აქაური კოლექტივები?

უნდა აღინიშნოს, რომ აქ არსებობს ორი სახის კოლექტივი. ერთი — ჩვეულებრივია, როგორც მზგავსი გვაქვს საქართველოს დანარჩენ კუთხეებში და რუსეთში; მეორე სახის კი არის, ე. წ. სააგიტაციო კოლექტივები. ჩვეულებრივი ტიპის კოლექტივები ჩვენ გვაქვს ვალის, კოდორის რაიონში და დანარჩენ ისეთ ადგილებში, სადაც მცხოვრებლები არა აფხაზებია. ხოლო სააგიტაციო კოლექტივები მოწყობილი არის სწორედ აფხაზ მოსახლეობაში. ამის მიზეზი ის არის, რომ აფხაზი გლეხი ვერ დაიპყრეს. მან ძალადობას ტყეში გასვლით უპასუხა. რაც შეეხება სხვა ჩამოსახლებულ ხალხს, ამათი დამორჩილება ადვილი იყო. ეს ხალხია თითო ოროლა გადმოხვეწილი სხვადასხვა ადგილებიდან, დასაწყობებული და ხშირად დაგლახებული ხეტიალით. იგი იძულებული ხდება ხელისუფლების ბრძანება შეასრულოს. შორს არის თავის ნათესავეებისაგან, მისი გვარისაგან. ერთად ერთი მისი ოჯახის მომვლელი თითონ არის. ეშინია დაპატიმრების, საყვედურის, დაბეგვრის და ყველა ამის გამო მას ხელისუფლება ადვილად იმორჩილება. ხელისუფლება პირდაპირ უყენებს საკითხს ასე: ამ მიწაზე უნდა დათესო თამბაქო და ჩვენ ჩავვაბარო. თანახმა თუ არა ხარ, სადმე უნდა გადასახლდე, მიწა კი გვესაქიროება გვემის შესასრულებლად. გლეხი, ცხადია, ვერსად წავა. ვისაც წასავალი აქვს, იგი მიდის ძალით, თუ ნებით. აუარებელი ლაზები გადავიდნენ ოსმალეთში. დარჩე-

ნილებიც გაიძახიან, უსათუოდ უნდა წავიდეთ. აქ არ იცხოვრებო. მიდიან კონსულთან ბათუმში, აფხაზნიან კაცს ტფილისში, მოსკოვში, რომ წასვლის ნებართვა აიღონ. ასევე იქცევიან ბერძნები, ესენი მასიურად გარბიან. ხელისუფლება ხელს უშლის ბერძნებს წასვლაში. არ უნდა გაუშვას, მაგრამ არც ნორმალური მეურნეობისა და ცხოვრების საშუალებას აძლევს. ეს გარემოება იწვევს რამდენიმე ოჯახის მიერ კაცის გაგზავნას მოსკოვში და თხოვნას საბერძნეთში დაბრუნების შესახებ. ხშირად ამ საქმის ინიციატორებს აპატიმრებს ჩეკა, რომ ჩამალონ გადასახლების გეგმა.

აი ამ უცხოელებით, სომხებით და სხვასხვა კუთხიდან ჩამოსულ ქართველებით დასახლებულ ადგილებში ხელისუფლება ქმნის ნამდვილ კოლექტივებს. მტკიცე დავალებებით, საკონტრაქციო ციფრებით, დამზადების გეგმებით და სხვა ასეთებით ტვირთავს მას, რის შედეგად გლეხს სამი თვის სარჩოც აღარ რჩება და წლის განმავლობაში მხოლოდ ხელისუფლებისთვის მუშაობს.

სულ სხვაა სააგიტაციო კოლექტივები, რომლებიც აქა-იქ მოიპოვება აფხაზი გლეხის მოსატყუებლად. განვიხილოთ, რას წარმოადგენს ეს უკანასკნელი. ავიღოთ სანიმუშოთ ერთი: სოფელ ლიხინსა და გუდაუთს შორის არის ერთი ასეთი სააგიტაციო კოლექტივი, სახელად «კულტურა». მასში შედიან მეგრელებიც და აფხაზებიც, რიცხვით 10 მდე წევრი. მათ აქვთ ბოსტანი. წევრებს შორის განაწილებულია უმთავრესად საორგანიზაციო საქმეები. ხოლო თვით შავ მუშაობას აწარმოებენ დაქირავებული გადმოხვეწილი რუსები, რომლებიც აუარებელი არიან რაიონში. დაქირავებულები დღეში ღებულობენ 3 მანეთს და მუშაობენ 10 საათს. მოყვანილ მწვანის ყიდიან ბაზარზე, აძლევენ კოლპერატის საკმაოდ მაღალ ფასებში და ამრიგად რჩებათ დიდი მოგება. ყოველ თვის თავზე შემოსავალს ინაწილებენ. ეს უფრო წააგავს კაპიტალისტური წესით მომუშავე საწარმოო ამხანაგობას, რომლის მზგავსი ჩვენშიაც ბევრი იყო დასხვაგანაც. მათ მიერ მუშის ექსპლოატაცია ნებადართულია ხელისუფლებისაგან. არ იბეგვებიან, არ ეძლევათ მტკიცე დავალებანი და სტოვენენ ისეთ შთაბეჭდილებას, ვითომც კოლმეურნეობა მართლაც გლეხის ცხოვრების გაუმჯობესობისა



და გამდიდრების საშუალება იყო. ასეთი ტიპის კოლექტივები იყო რუსეთშიაც პირველ ხანებში და საქართველოშიაც. მაგ. გორის მაზრის, სოფ. სამთავისის «სერგო ორჯონიკიძის» სახელობის კომუნა, ზაქედიის კომუნა კა ეთში და სხვა. მათ დიდი საყვედური და გაკიცხვა ძიილეს 28-29 წელში იმის გამო, რომ დაქირავებული შრომას სარგებლობდნენ. ექსპლოატაციას ეწეოდნენ და სხ. აქ კი დაშვებულია ეს რაშია საქმე?

ამის მიზეზი ის არის, რომ საქართველოშიც იყო საჭირო ამ ცრუ კოლექტივების არსებობა, სანამ პოლიტიკური კოლექტივიზმი გამოცხადდებოდა. აქაც, აფხაზეთში, ჯერ კიდევ საჭიროა იმ კოლექტივების არსებობა, რომლის მიზანია ხალხის მოტყუება. ხელისუფლებას უნდა გლეხებს დაარსებოდა. თუ გინდ ასეთი კოლექტივები და შემდეგ მისცეს მას მტკიცე დავალებები და გადააქციოს პოლიტიკურ კოლექტივებად. ეს ემპიკური ხერხია ხალხის მოსატყუებლად. მაგრამ გლეხობა ამას მიუხედა და თავს არ იტყუებს. მას ესმის გადმოხვეწილ რუხებისაგან და სხვა კუთხის ქართველებისაგან, რომ პირველად მათაც ასეთი მახე დაუგეს—დღეში 10-15 მანეთით დაიწყო და 67 კაპეიკით დამთავრდა. ხელისუფლებას ნდობა და ავტორიტეტი დაკარგული აქვს და ამ სააგიტაციო კოლექტივებს შედეგი სხვა არა აქვს რა, გარდა ზოგიერთი პირების გამდიდრებისა გადმოხვეწილთა შრომით და ექსპლოატაციით. მიუხედავად ასეთი ხრიკებისა, აფხაზი მეურნეობის 5 პროცენტზე არ არის გაერთიანებული კოლექტივებში. მაგრამ გალის რაიონის და არა აფხაზი გლეხის ძალით შერევა კოლექტივებში აღიდებს აღნიშნულ პროცენტს, ამრიგად ცოტა ყაღბი ციფრების დამატებით, რაც ბოლშევიკურ სტატისტიკას მუდმივ თან ახლავს, კოლექტივიზაციის საერთო პროცენტი მთელ მეურნეობის 32 პროც. აღწევს. კოლექტივებში გაერთიანებული გლეხები აქაც ისე წყალობდნენ, როგორც სხვაგან. ცხოვრების ძველი სახსრები მათ გამოეღიო და ჩქარა იძულებული გახდებიან იკვებონ თბილ კაბინეტებში მაძლარი ხალხის მიერ შედგენილ ნორმების მიხედვით. თუ როგორია ეს ნორმები, გურიამ გვიჩვენა: ნახევარი გირვანქა პური შრომა-დღეზე.

ინდივიდუალურ მეურნეობებს ხელისუფლება არ უყურებს ყველაგან ერთგვარად. თვით აფხაზებს ეპყრობა შედარებით კარგად. მათზე არ არის გავრცელებული მთელი სისასტიკე მტკიცე დავალებების შესრულების. მათ ეძლევათ შედარებით პატარა, ადვილად დასაძლევია ნორმები. ეს რა თქმა უნდა დროებითი მოვლენაა და მით ორგვარი საქმე კეთდება: ერთის მხრივ ხელისუფლება არღვევს მცხოვრებთა მთლიანობას, ჰკიდებს ერთი მეორეს ადგილობრივ და სხვა მცხოვრებლებს. მეორეს მხრივ ამით ცდილობს ადგილობრივ აფხაზ გლეხობასთან დაახლოვებას, რომ ამით ნაკლებ საფრთხეს წარმოადგენდეს აფხაზი პარტიზანების არსებობა. ხელისუფლებას ყველაზე ძლიერ ძალთა გაერთიანების ეშინია და მისი ყოველივე ცდა ამ გაერთიანებული ძალების დაშლისაკენაა მიმართული.

სხვადასხვანაირი დამოკიდებულება ადგილო-

ბრივ და ჩამოსულ გლეხებთან იხატება სხვადასხვა ნაირი დავალებების მიცემაში. მაგ., თუ ადგილობრივ აფხაზს ეძლევა ნახევარი გექტარი თამბაქო და სამუშაოებლად, ჩამოსახლებულს ეძლევა არანაკლებ ერთი გექტარისა. ამით ხელისუფლება თითქოს არღვევს დამოკიდებულებას ამ ორ პირთა შორის. დიდი დავალება ნიშნავს ოჯახის ჩქარა განადგურებას და აი როგორ: ვთქვათ გლეხმა მიიღო დავალება გააკეთოს 1 ნახ. გექტარი თამბაქო. აქედან მან უნდა მოიყვანოს საშუალოდ 90 ფუთი თამბაქო, რაც უკლებლივ უნდა ჩააბაროს ხელისუფლებას. ფუთ თამბაქოში გლეხს ეძლევა 20-25 მანეთი (თამბაქოს ხარიხის მიხედვით). ესლა ვნახოთ რა ჯდება ფუთი თამბაქო. ჩვენს პირობებში უკეთეს შემთხვევაში ფუთი თამბაქოს მოყვანას მის ჩაბარებამდე სჭირდება 12 შრომა დღე. ეს მინიმუმი. 12 შრომა დღე გლეხს დაუჯდება არა ნაკლებ 70-80 მანეთისა. და ეს იმ შემთხვევაშიაც კი თუ სურსათს კოლპერატიულ ფასში მიაწოდებენ მას. ამრიგად საქონელი, რომელიც გლეხს 80 მან. დაუჯდა, უნდა ჩააბაროს მთავრობას 20 მანეთად, რის გამო გლეხი ფუთ თამბაქოზე აგებს 60-50 მანეთს. ხოლო თუ გლეხი ხელისუფლებას ჩააბარებს მთელ მოსავალს, ე. ი. ამ შემთხვევაში 90 ფუთს—მან უნდა დაკარგოს 5.400 მან. ეს დანაკარგი მას ერთის დაკვირთი გაანადგურებდა, მაგრამ გლეხი იბრძვის რა არსებობისათვის, ეძებს გამოსავალს და ასეთს პოულობს კონდრატანდაში. მოყვანილი მოსავლიდან იგი მალ აგს თამბაქოს განსაზღვრულ რაოდენობას. ვთქვათ დამალა 10 ფუთი. ფუთ თამბაქოს ასაღებს (კონდრატანდათ) 400 მან. ათი ფუთი თამბაქოდან იგი მიიღებს 4.000 მანეთს. ჩვენ ზევით გვქონდა 5.400 მან. დეფიციტი. მაგრამ რადგან მეურნეობაში გლეხი თითონ მუშაობს, ცოლს და ბავშვებს ამუშავებს, ამიტომ ფულად არ ანგარიშობს გლეხი ამ შრომას. ფულად ვასავალს კი ეს კონდრატანდა დაუფარავს და მოჩვენებით მოკლებასაც დაუტოვებს. ერთი სიტყვით გლეხის ოჯახი უსათუოდ დაილუპებოდა, რომ მის მიერ ნამუშევარს არ იპარავდეს და ამით არ იცავდეს თავს. მართალია ეს ხერხი აკრძალულია, სშირად გამოტანილ თამბაქოს ართმევენ, მაგრამ მთავრობა ჯერჯერობით, ვისი განადგურებაც არ უნდა, იმათ მიმართ არ მიმართავს სასტიკ ზომებს, თან ისიც იცის ხელისუფლებამ, რომ კონდრატანდის საფეხებით აკრძალვა გლეხს სრულიად დაუკარგავდა ხალხის მეორე წელს თამბაქოს მოყვანისას. ნათქვამიდან ნათელია, რა აღვირახსნილ და საშინელ ექსპლოატაციას ეწევა ბოლშევიკური ხელისუფლება და როგორ ითვისებს გლეხის ნაშრომს და ნაამაგარს.

აქვე საინტერესოა აღვნიშნოთ ერთი ფაქტი: თანახმად ცენტრალურ ორგანოების დადგენილების გეგმის 95 პროცენტი უნდა შეასრულონ კოლმეურნეობებმა და ინდ. მეურნეობებმა, 5 პროცენტი კი საბჭოთა მეურნეობებმა. ეს იმიტომ ხდება, რომ «სოფხობებში» ხომ სახელმწიფო თანხები და ხელისუფლება ვერასდროს ვერ მოახერხებს 25 მანეთად მიიღოს ფუთი თამბაქო, მიუხედავად იმისა, რომ დაქირავებულ მუშებს 2 მან. და 20 კაპ. აძლევენ

დღეში. ამას მიუმატებ ვაბერლი შტატები, ბრიგადირები, კონტროლიორები, მგეგმავები, გამგეები და სხვა მრავალი, რომელთა შენახვა მძიმე ტვირთად აწევბა წარმოებას და ფუთი თამბაქოს თვით ღირებულებას, რომ სამორტიზაცია თანხა არ ვიანგარიშოთ, 50-55 მანეთამდე ზრდის. ეს მაშინ, როდესაც ხელისუფლება ისეთსავე თამბაქოში გლეხს აძლევს მხოლოდ 20-25 მანეთს ფუთში. ამის გამო ხელისუფლება ცდილობს, რაკი საქმე ზარალს იწვევს, ამ ზარალის მან 5 პროც. იხვედროს და დანარჩენი კი გლეხობას აზარალოს.

კოლმეურნეობებზე მიცემული საკონტრაქტაციო ვალდებულება უკანასკნელისათვის კიდევ უფრო საზარალოა, ვიდრე ინდ. მეურნეობისათვის, ვინაიდან კოლექტივებს თითქმის წართმეული აქვთ კონდრბანდის საშუალება, ვინემ კერძო მეურნეთ.

აი ასე უწყვეტ ბოლშევიკები ექსპლოატაციას იმ ხალხს, რომლის კეთილდღეობისათვის თითქმის იბრძვიან.

განვიხილოთ ეხლა სოფის მეურნეობის ახალი სახე, ე. წ. «სოფოზები».

გენო.

აფხაზეთი. 1932 წ.

### კავკასიის კონფედერაციის პაქტი.

#### დაკვნა—მომავლის პერსპექტივები

მე ვასრულებ ჩემს გრძელს განხილვას. ამ ხნის განმავლობაში პროექტმა განიცადა ზოგიერთი ცვლილება, რომელსაც ჯერ არ ვიცნობ. შემდეგში შეიძლება შევეხოთ ამ ცვლილებებსაც. დღეს კი მიინდა გავათავო. მინდა ყურადღება მივაქციო აგრეთვე იმ ფაქტორებს, რომელნიც ტექსტში არ არიან გამოთქმულნი, მაგრამ რომელთაც უდიდესი მნიშვნელობა აქვთ საერთოდ მთელი საქმისათვის.

კავკასიის პაქტის განხილვიდან ის უნდა დავასკვნათ, რომ მთლიანად იგი დამაკმაყოფილებელია. რა თქმა უნდა, მას ბევრი რამ აკლია, ბევრს უხერხულობას და წინამდევობას შეიცავს,—ეს შედეგია პაქტის ავტორთა გაუბედავობის, რომელთაც ესმოდათ საპირობება დათმობისა საერთო ინტერესისთვის, მაგრამ ვერ დასძლიეს ნაციონალური ეგოისტური გრძნობები. აქედან წარმოსდგა ის, რომ პაქტი არსებითად კომპრომისულია, წარმოიშვა წინამდევობებიდან. ამიტომაც მას აქვს ნაკლი, მაგრამ ამავე დროს იგი შეიცავს ბევს ღირსებასაც.

ალსანიშნავია ყოვლის უპირველესად, რომ პაქტი დიად სტოვეებს კარს ფედერალურ ელემენტის განსავითარებლად. საერთო მუდმივ ორგანოს—სამდივნოს დაწესებით. შემავალ სახელმწიფოების ფრიად მნიშვნელოვან საგნების ცენტრალიზაციით საერთო დაწესებულებებში, საკონფედერაციო სასამართლო დადგენით, რომელიც ბუნებრივი დამცველია ერთობის სულისა, და ბოლოს დამოუკიდებელი ცხოვრების საერთო ცენტრის მოწყობით—პაქტი ფართო პერსპექტივებს შლის კავკასიის კონფედერაციისათვის. ეს მეტად საპირობო იყო, ვინაიდან კონფედერაციის ფორმა გარდამავალია, კონფედერაცია

არაა პრინციპი მუდმივი ორგანიზაციისა. მისი დანიშნულება ისაა, რომ უნდა შექმნას ხელშემწყობი პირობები ფედერალიზმის განსავითარებლად. მან უნდა შეამზადოს ნიადაგი, რომელზედაც აიგება უფრო მკვიდრი და ხანგრძლივი შენობა. რომ ამ მიზანს მიაღწიოს, პირველი ორგანიზაცია უნდა შეიცავდეს ელემენტებს გარდაქმნისათვის, ევოლუციისათვის. ეს ელემენტები კავკასიის პაქტში არის.

მეორე აგრეთვე მნიშვნელოვანი ღირსება პაქტისა ისაა, რომ იგი ანიჭებს მხოლოდ ცენტრალურს ხელისუფლებას უდიდესი მნიშვნელობის საგნების კომპეტენციას. ეს სრულებით ახალი რამაა. ყველა ძველს კონფედერაციაში ცენტრალურ ხელისუფლებს საერთაშორისო პიროვნება არ გამორიცხავს შემავალ სახელმწიფოების საერთაშორისო პიროვნებას. ცენტრალური მართვლობა ასრულებდა უდიდეს საერთაშორისო ფუნქციებს, ხოლო ესეთი ფუნქციები მთლად ჩამორთმეული არ ჰქონდათ წევრს—სახელმწიფოებსაც. ამგვარი გაორება საგარეო პოლიტიკისა უეჭველად ვნებდა მთელი კონფედერაციის საერთო ინტერესებს. კავკასიის პაქტში არაფერია ამის მსგავსი: საერთაშორისო საქმეები კონფედერაციისა გამორიცხულია შემავალ სახელმწიფოების კომპეტენციიდან. ომის გამოცხადებაა, თუ ლეგაციის უფლება, თუ პოლიტიკურ ხელშეკრულობათა დადება—ყველა ეს საქმე მხოლოდ და მხოლოდ ცენტრალურ ხელისუფლების კომპეტენციას შეადგენს. ეს ჰქმნის იმ უპირატესობას, რომ საგარეო პოლიტიკა იქნება ერთი მიმართულების, დატული იქნება ერთი მთლიანი ხაზი.

აქედან უნდა დავასკვნათ, რომ შემავალ სახელმწიფოებმა დაკარგეს თავიანთი საერთაშორისო პიროვნება? არა, ვინაიდან გარდა პოლიტიკური საერთაშორისო კომპეტენციისა არსებობს სხვა საერთაშორისო კომპეტენცია, სახელობრ დადება არა პოლიტიკურ საერთაშორისო ხელშეკრულობათა. აი ამ ფარგალში და მხოლოდ ამ ფარგალში შემავალ სახელმწიფოებს შეუძლიათ იქონიონ დამოკიდებულება უცხოელ სახელმწიფოებთან. აწარმოონ საერთაშორისო მოლაპარაკება და ხელი მოაწერონ საერთაშორისო ხელშეკრულობათ.

ალსანიშნავია მესამე ღირსება კავკასიის პაქტისა—უმადლესი საკონფედერაციო სასამართლოს დაწესება. მაგრამ მართე კავკასიის კონფედერაციისთვისება არაა დამოუკიდებელი სასამართლოს დაწესება, რომელმაც უნდა გააჩიოს ყოველი დავა ცენტრალურ ხელისუფლებასა და ადგილობრივ ხელისუფლებათა შორის. უნდა ითქვას ისიც, რომ კავკასიის პაქტის სასამართლო არაა უნაკლო. მაგრამ დარწმუნებული ვართ, რომ მიუხედავად თავის ნაკლისა კავკასიის საკონფედერაციო სასამართლო უდიდეს სამსახურს გაუწევს საერთო საქმეს. თავის ფრთხილი და გონივრული პოლიტიკით იგი ისეთი განმარტებას მისცემს პაქტის კერძო დებულებებს, რომ გააძლიერებს ცენტრალურ ხელისუფლებას და შეასუსტებს ამის საწინამდევო ძალებს. საკონფედერაციო სასამართლოს შემადგენლობას ამ მხრივ უდიდესი ღირებულება ექნება.





დასასრულ მივაქცევთ ყურადღებას მუდმივი სამდივნოს არსებობას. ეს მიბაძვაა ნაციონალური პაქტისა, მიბაძვაა ფრიად სასარგებლო. სამდივნო—ფედერალიზმის გული—ისევე შეუწყობს ხელს ერთობის განვითარებას, როგორც საკონფედერაციო სასამართლო. მისი საქმიანობა გამოიხატება ცენტრალიზაციასა, ინფორმაციასა და განსაკუთრებით პროპაგანდაში, რაც უწყველად დიდ ნაყოფს მოიტანს.

ასეთია კავკასიის პაქტის მთავარი უპირატესობანი. მაგრამ გარდა ამისა პაქტს თან ახლავს ფსიქოლოგიური მომენტი. ფსიქოლოგიური ელემენტი შეუნიხებელი ფაქტორია, მაგრამ უმისოთ არც ერთს აღმშენებლობას არ შეუძლია წარმატება. უნდა შეიქნას კავკასიური სული. ეს შეიძლება ეუცხოვოს ვისმე და აბსურდად მოეჩვენოს, მაგრამ ეს სინამდვილეა.

დღეს ბევრს ლაპარაკობენ ნაციონალური კრიზისზე, ხოლო არავინ ცდილობს, კარგად გაიგოს, თუ რაში გამოიხატება ეს კრიზისი. მე არ შევჩერდები ამ კრიზისის გარეგან გამოხატულებაზე, —საკმარისია ჩინეთ-იაპონიის უთანხმოების გახსენება. შევეცდები ამ კრიზისის მიზეზების გარჩევას და რაც ითქმის ნაციონალური უსუსებზე, მცირედენი ცვლილებით შეეფარდება კავკასიის კავშირს.

უდავოა, რომ ნაციონალური განვითარება დამოკიდებულია იმაზე, თუ რამდენად განვითარდება ინტერნაციონალიზმი და შესუსტდება ნაციონალიზმი. დღეს ჩვენ ვხედავთ მეტად სამწუხარო წინამდებობას ეკონომიურს ევოლუციასა და პოლიტიკურ ევოლუციას შორის. ისეთი ეკონომიური ურთიერთობაა შექმნილი, რომ ერთი დამოკიდებულია მეორეზე და ერთის ბედი დაკავშირებულია დანარჩენების კეთილდღეობაზე. მაგრამ როგორია პოლიტიკური და ფსიქოლოგიური მდგომარეობა? ყველგან გაბატონებულია აღვირამებელი შოვინისტური ნაციონალისტური ეგოიზმი. მე არას ვამბობ ყველა იმ დიქტატურაზე, რომელიც ასე გამრავლდა ევროპაში, სადაც დაავადმყოფებულმა ნაციონალიზმმა ერთგვარი კულტი მოიპოვა. თვით დემოკრატიულ სახელმწიფოებში გაბატონებულია და ყველაფერს ბრძანებლობს ვიწრო ნაციონალიზმი-შოვინიზმი. ნამდვილი საერთაშორისო სულის უქონლობა —იღმა მიწები ნაციონალური კრიზისისა.

«საერთაშორისო სული» —ცრუ სიტყვაა და არაფერს ამბობს, შეიძლება ვინმემ თქვას. მაგრამ ესაა აუცილებელი პირობა ნაციონალური წარმატებისა. პირობა მშვიდობიანობისა, რომელიც შეადგენს ჩვენი დროის ცივილიზაციის მოვალეობას. უნდა შეიქნას ეს საერთაშორისო სული, ერთა ნამდვილი სოლიდარობა, უნდა სწარმოებდეს განუწყვეტელი მუშაობა მორალურ და პოლიტიკურ აღზრდისათვის. ამათა საარბიტრ და შეთანხმების ხელშეკრულობათა დადება, საქვეყნოდ გამოცხადება თავდაუხსნებლობისა, მატერიალური დაბრკოლებათა შექმნისა საშინაოების წინამდებ, თუ ეს არ ემყარება სათანადო სულიერ მდგომარეობას.

ნურავინ დამწამებს, თითქმის მინდოდეს ერი შევიწრო კაცობრიობას, რომელიც (ჯერ კიდევ მაინც)

დიდი აბსტრაქციაა. არ მოვიტხოვ ყოველ განხვავების, ყოველ თავისებურების მოსპობას, ყველას შერევას. გათქვლევას და უსახეობას. ეს იქნებოდა უტოპია, მეტად უფერული. ხოლო ინტერნაციონალიზმს უნდა მიეცეს მეტი ღირებულება და წონა, ვიდრე დღესაა. მართლაც ამ შემთხვევაში იქნება უზრუნველყოფილი მშვიდობიანობა.

მიუღვეთ ასევე კავკასიასაც. მე ვსთქვი, უნდა შეიქნეს კავკასიური სული. ე. ი. უნდა შეიქნეს ისეთი მდგომარეობა, რომ კერძოა და საერთოს უთანხმოების დროს ყოველმა ჩვენთაგანმა ჯეროვანად უნდა პატივი სცეს საერთო ინტერესს. კავკასიური სული ნიშნავს საერთო კავკასიური ერთეულის ინტერესის დაცვას. აქ იგივე საკითხია, რაცა ნაციონალური.

ყველასთვის ცხადია, რომ დღეს ძალიან შორსა ვართ ასეთ მდგომარეობისაგან. ვიწრო ეროვნული სული ყველას გვაბრძავებს ხშირად და აბრკოლებს საჭირო გარდაქმნას. კავკასიის პაქტის ღირსებაა, რომ იგი ხელს უწყობს საერთო სულის წარმოშობას და განვითარებას, ვინაიდან თუ ფსიქოლოგიური ევოლუცია განხორციელდა, იურიდული და პოლიტიკური ორგანიზაცია თავისთავად აუცილებლად წარმოიშობა. იურიდული დაწესებულებანი ხომ ბოლოს და ბოლოს უფლებრივი გამოხატულებაა ცხოვრების ძალების და ფარულ მიდრეკილებების. დღეს და კავკასიის ერთა დამოუკიდებლობის აღდგენამდე კავკასიის პაქტის პრაქტიკული დანიშნულებაა შექმნას და განავითაროს კავკასიური სული.

მიხ. მუსხელიშვილი.

რ ა გ ზ ე ბ ი თ ?

უკვე მეოთხე წელიწადია, რაც საშინელი ეკონომიური კრიზისი მძვინვარებს მთელს მსოფლიოში, მაგრამ მას არამც თუ არ უჩანს დასასრული, პირობით, ის უფრო რთულდება, ღრმავდება, ფართოვდება, ე. ი. გადადის წმინდა ეკონომიური სფეროდან და ხდება პოლიტიკურ, ზნეობრივ და საერთო კულტურულ კრიზისად. რამდენიმე წლის წინეთ არავის მოუვიდოდა აზრათაც, რომ წმინდა ბურჟუაზული სახელმწიფოების ურთიერთობაში სახელმწიფო ვალეების გადახდის უარს იტყოდნენ (საფრანგეთი — შეერთ. შტატები), ეს ხომ კერძო საკუთრების პრინციპის უარყოფაა! ან და ვინ წარმოიდგენდა ორი სიმაგრის —სტერლინგის და დოლარის —ასე დაცემას, მსოფლიო აღებ-მიცემობის უარესი განვითარების შემდეგ სახელმწიფოების ერთმანეთისაგან საბაჟოსადვიზო კედლებით სრულ იზოლიაციას, ჩაყეტვას; თავისუფლებისა და დემოკრატიის სახელით დამთავრებულ დიდი ომის შემდეგ მეორე ათწლეულში პიტიკურიზმს და სხვა ჯურის დიქტატურას, ანტისემიტისმს და სს.

კაპიტალისტური წესწყობილებისთვის კრიზისი ახალი მოვლენა როდია, მან უკვე თერთმეტი პერიოდული კრიზისი გაიარა, მაგრამ არცერთს ასე არ აუფორიაქებია მისი ფესვები, საძირკველი. ცხადია, ჩვენ არა გვაქვს საქმე ჩვეულებრივ პერიოდულ კრიზისთან, ან უკეთ რომ ვთქვათ, ამგვარ კრიზისს მიე-

მატა, ტექნიკის სწრაფი განვითარების გამო, ახალი ელემენტები, რომელიც შეუძლებლათ ხდის კაპიტალისტურ წარმოებას და ალღე-მიცემობას ესლანდელ სოციალურ ჩიადგახედ. რითი განსხვავდება დღევანდელი კრიზისი წინანდელი კრიზისებისაგან და რა არის მათ შორის საერთო? მთავარი მიზეზი ეკონომკრიზისების იყო გაჩენის თანავე უთანასწორობა წარმოებას და მოხმარებას შორის, რაც თავის მხრივ შედეგია კაპიტალისტური წარმოების ანარქიისა და განუსაზღვრელი პირადი მოგების მოტივისა: ყოველი მრეწველი ცდილობს რაც შეიძლება მეტი აწარმოვოს, რომ მეტი მოიგოს და არ კითხულობს, გაიყიდება ეს საქონელი თუ არა; საერთოდ ის არ ზრუნავს მომხმარებელთა მყიდველობით შესაძლებლობაზე, პირიქით მისი მამოძრავებელი მოტივი—მეტი მოგებისა, მეტი ღირებულების მითვისების მიმართულია მომხმარებლების წინამდგე, ვინაიდან რაც უფრო დიდია წილი კაპიტალის, მით ნაკლებია მომხმარებლის. სწორედ ეს ბრმა ეგონისტური მამოძრავებელი ძალა ეკონომიური საქმიანობის, საყოველთაო ლოზუნგით: «ქაჲ, რომ შენ არ შეგქამონ»,— შეუძლებლათ ხდის წარმოებისათვის, შესარულოს თავისი ზნეობრივი სოციალური ფუნქცია—სავსებით დააკმაყოფილოს მომხმარებელთა მოთხოვნილებები; და ამნაირად ლიბერალური პრინციპი კერძო პიროვნების განუსაზღვრელი ინიციატივის და პასუხისგებლობის,—გადაიქცა ანარქისტულ პრინციპად და განადგურებას უქადის კაცობრიობას.

კაპიტალისტური წესწყობილების გასულ ხანაში, ესე იგი ომამდე, ეს ლიბერალისტური პრინციპი პროგრესული მოვლენა იყო: მან მოაგვარა სავსებით წარმოების ტექნიკური პრობლემა, შექმნა მაღალი ტექნიკის მსოფლიო მრეწველობა და ალღემიცემობა. კრიზისებსაც შედარებით ადვილად ინელებდა, იმიტომ, რომ კაპიტალიზმის ანტაგონისტური ძალები ამ საფეხურში საგრძობლათ არ იყო განვითარებულნი, და მეორე მხრით მან შექმნა ოინაური მექანიზმი, ეგრე წოდებული ეკონომ. ავტომატიზმი ფასებისა. როცა წარმოება გადააქარბებს მოთხოვნილებას, ე. ი. ბაზარზე დაგროვილი საქონელი მეტია, ვიდრე მომხმარებელთა მყიდველობითი შესაძლებლობა აიტანს,—ფასები ეცემიან, წარმოება ჩერდება, დგება დეპრესიის ხანა. კრიზისი, ფასები კატასტროფულათ მიექანებიან ქვევით, სანამ არ დაცალიერებენ დაგროვილი საქონლების «სტოკებს»; მერმე იწყება უკულმა პროცესი: «სტოკებში» უკვე საქონელი არ არის, მოთხოვნილება საქონლის მეტია, ვიდრე წინადადება. ფასები იწვევენ, გაეფებეთი ფული ეძებს მუშაობას, იწყება ისევ გამოცოცხლება, მაღალი ფასები, საყოველთაო აჟიოტაჟი, კონიუნქტურა, სანამ სამრეწველო ანარქია ისევ არ მიიყვანს კრიზისამდე. ამ სამრეწველო ავტომატიზმთან დაკავშირებულია ე. წ. ოქროს ფულის ავტომატიზმი: ოქროს ტრიალი სრულიათ თავისუფლათ, მექანიკურათ ხდებოდა, გადადიოდა ერთი სახელმწიფოდან მეორეში ავტომატიზრათ მხოლოდ და მარტო საანგარიშო ბალანსის მიხედვით. თუ სახელმწიფოებს შორის საქონლის და ურთიერთი სამსახურის გაცვლაგამოცვლა

ერთმანეთს არ ფარავდა, მაშინ დეფიციტი დაიფარებოდა ოქროთი: ოქრო დაინძრეოდა პასივური ბალანსიანი სახელმწიფოდან აქტიურში; მისი ფასი პირველ სახელმწიფოში აიწეოდა, მეორეში კი დაიწვეოდა დაახლოვებით იმდენად, რამდენად დაჯდებოდა მისი ტრანსპორტი.

ამ ფარვლებში ოქროს ფასების ფლუქტუაციას ქონდა ის დადებითი შედეგი, რომ ოქროს განაწილება მსოფლიოში იყო თანასწორი, ეკონომიური მოთხოვნილებების და ურთიერთობის თანახმად; ამნაირად ფული ნორმალურად ასრულებდა თავის ეკონ. ფუნქციას, როგორც საერთაშორისო ალღე-მიცემობის საშუალება. ომის შემდეგ ხომ ეს ორგანიული პროცესი შეწყდა, ცალმხრივი, იძულებითი, არა კომეურციული გზებით ოქრო დაგროვდა ორ-სამ ქვეყანაში, სხვებს კი ის გამოეცალა; ამით ოქრომ დაჰკარგა მთავარი სასარგებლო ფუნქცია, მოახდინა ალღე-მიცემობის დაფასების დეზორგანიზაცია.

ხემოთ დახასიათებული ეკონომ. ავტომატიზმი დღეს, ომის შემდეგ შეუძლებელი გახდა, იმიტომ რომ კაპიტალიზმმა თავის განვითარების პროცესში დაბადა ისეთი დამაბრკოლებელი მოვლენები, ანტაგონიზმები, რომელნიც სასტიკათ ეწინააღმდეგებიან მის არსებას. ასეთი ანტაგონიზმთაგანია კარტელები, რომელთა პროგრესული მიზანი იყო წარმოების დაგეგმვა, სამრეწველო ანარქიაში სისტემისა და ზომის შეტანა, მაგრამ მათმა მეორე და უძლიერესმა ტენდენციამ—ფასების მაღალ დონეზე სტაბილიზაცია შეხლუდა მთავარი ღერძი ლიბერ. კაპიტალიზმისა—თავისუფალი კონკურენცია, ფასების რეგულიატორი—საქონლის წინადადების და მოთხოვნილების კანონი. კარტელებმა შეუძლებელი გახადეს ფასების თავისუფალი ფლუქტუაცია, რასაც კი კრიზისის დროს ჰქონდა ის დადებითი მნიშვნელობა, რომ ფასების სწრაფი დაცემით ხელს უწყობდა ზედმეტ ნაწარმოების მალე გაყიდვას, მაშასადამე კონიუნქტურის დაბრუნებას. სწორედ კარტელების სიძლიერეს მიეწერება თანამართროვე კრიზისის მსვლელობით დამტკიცებული პარადოქსული ფაქტი, რომ მიუხედავად კრიზისის კატასტროფიული ხასიათისა ფასები შესაფერისად არ დაეცენ; ფასების დაკლების მაგივრად ზედმეტ ნაწარმოებ საქონელს ზღვაში ჰყრიან, ცეცხლს უკიდებენ, პირუტყვს აჭმევენ (ყავა, ხორბალი, შაქარი, ბამბა და სხვა), როცა რამდენიმე ათეული მილიონი მომხმარებელი მშვიერ-ტიტველია.

კარტელების გარდა არსებობს მთელი რიგი ფაქტორებისა, რომელნიც ზღუდავენ ლიბერალურ დებულებებს—«ეკონომიური ძალების თავისუფალი თამაშს»: მუშების ხელფასის შედარებითი სტაბილიზაცია სინდიკატების გავლენის გამო; კოლენიალური ეკონომ. პოლიტიკით ბაზრების გაფართოების შეუძლებლობა კოლენიების ინდუსტრიალიზაციის და პოლიტიკური წინამდგეობის გამო; გაფართოება მთავრობების მიერ ომის დროს მითვისებული რეგულამენტაციისა ეკონომიური ცხოვრებისა; ოქროს უთანასწორო განაწილებით გამოწვეული ფულით გაძვირება, უსაზღვრო პროტექციონიზმი და სხვა.

მაგრამ მთავარი თვისება, რომელიც ანსხვავებს



თანამედროვე კრიზისის წინანდებებისაგან და ჰქმნის მას სტრუქტურალურად, კერძო წარმოებისთვის საბედისწერო კრიზისად.—არის ე. წ. ტექნოლოგიური უმუშევრობა. ტექნიკის განვითარება წინეთაც ყრიდა მუშებს გარეთ, მაგრამ ასეთი უმუშევარი მალე იპოვებდნენ სამუშაოს სხვა ახალ საწარმოვო დარგებში, ტექნიკურად დაწინაურებულში. მაგრამ ომის დრომ და მერე ომის შემდეგ დიდი კონიუნქტურის ხანამ ისეთი ზღაპრული იმპულსი მისცა ტექნიკის განვითარებას, რომ თუ წინეთ ხდებოდა მექანიზაცია არითმეტიკული, ესხა გეომეტრიული პროგრესიით ხდებოდა. მანქანები გაცილებით უფრო სწრაფი ტემპით ყრიან მუშახელს გარეთ, ვიდრე გაფართოებულ წარმოებას შეუძლია მიიღოს ეს უმუშევრები. სხვა და სხვა სტატისტიკური დაწესებულებები, განსაკუთრებით ამერიკაში, ირწმუნებიან, კიდევ რომ აღდგეს სრულიად 1929 წლის წინა უდიდესი კონიუნქტურა, მაინც დღევანდელი 36 მილიონ უმუშევარისაგან შეუქლია მუშაობას დაუბრუნდეს მხოლოდ მესამედს. მართლაც გასული წლის ივნისიდან საწარმოვო ინდექსებმა და ფასებმა დაიწყეს აწევა, რაც იმის მაჩვენებელია, რომ კრიზისი ამ სიტყვის ძველი მნიშვნელობით ლიკვიდაციის გზას დაადგა. სტატისტიკა გვიჩვენებს, რომ წარმოებამ მართლაც რამდენიმე დაიწყო, ეს გამოცოცხლება უფრო საგრძობი იქნებოდა, რომ ხელი არ შეეშალა საერთაშორისო პოლიტიკურ მდგომარეობის გართულებას (პიტლერიზმი, ომი შორეულ აღმოსავლეთში და სხვა); მაგრამ საინტერესო ისაა, რომ წარმოების გამოცოცხლებას არავითარი ცვლილება არ შეუტანია უმუშევართა რიგებში, პირიქით, ზოგ ალავას ამ რიცხვში იმატა და ეს იმიტომ, რომ კრიზისის დროს რაციონალიზაცია ე. ი. მექანიზაცია არამც არ გაჩერებულა, არამედ გაორკეცებით გრძელდება ამ ღონისძიებით: «უშველეთ თავს, ვის რითაც შეგიძლიათ!»

ერთი სიტყვით დღევანდელ უმუშევრობას აქვს ნათელი ტენდენცია ზრდის და მუდმივობის, იგულისხმება, ინდივიდუალური კაპიტალიზმის ფარგლებში. გვაქვს საქმე პარადოქსალურ მდგომარეობასთან: რაც უფრო მეტია ტექნოლოგიური პროგრესი და მეტი საქონლის გამოშვება ბაზარზე, მით უფრო ნაკლებია მყიდველი, ვინაიდან მომხმარებელთა მყიდველობითი შესაძლებლობა ეცემა ტექნოლოგიური უმუშევრობის გამო. ერთ მშვენიერ დღეს რომ კაცობრიობამ გადასწყვიტოს მანქანების გადაგდება და ისევ დაუბრუნდეს პრიმიტიულ ხელით მუშაობას, უმუშევრობის და კრიზისის პრობლემა გადაწყვეტილი იქნებოდა. ეს ხომ შეუძლებელია, ადამიანს ყოველთვის წინსვლა სჩვევია; პირიქით უფრო ბუნებრივია ცდა, რომ ადამიანის გენიოსობის, ტექნიკა-მეცნიერების მონაპოვარი გამოყენებული იქნეს მთელი კაცობრიობის კეთილდღეობისათვის, იმის მაგივრად, რომ ემსახუროს ვიწრო კაპ. მრწველთა წრის ეგოისტურ ინტერესებს, ისიც საზოგადოებისთვის კატასტროფიული შედეგებით.

სად არის გამოსავალი? თვით ზემო დახასიათებული ტექნოლოგიური ანტაგონიზმი მიგვითითებს იმაზე, რომ გამოსავალი უნდა ვეძებოთ დისტრიბუ-

ციის, მოხმარების მოგვარებაში, შემოსავლის სამართლიანი და მიზანშეწონილი განაწილების პრობლემაში. ამაზე დღეს ბევრს სწორენ, ბევრს ფიქრობენ; უდავლობის გამო არ შეგიძლია ამაზე გავჩერდეთ, მხოლოდ აღენიშნავ მოკლეთ რამდენიმე ტიპური აზროვნების შინაარსს.

ყველაზე უფრო საინტერესო და დასაბუთებულია ე. წოდ. ამერიკელი ტექნოკრატების თეორია. ტექნოკრატებმა აფორიაქეს მთელი შეერთებული შტატების აზროვნება, რაც მით უფრო საინტერესოა, რომ ამერიკელს საერთოდ არ უყვარს თავის შეწუხება თეორიული ანალიზებით. ნიუიორკში, კოლუმბიის უნივერსიტეტში ომის გათავებისას გაიხსნა ცალკე მეცნიერულ-მკვლევარი განყოფილება, ინჟ. პოვარტი სკოტის მეთაურობით შემდგარი ყველა დარგების გამოჩენილი მკვლევარი ინჟინერების და პროფესორებისაგან. მიზანი ამ მეცნიერული დაწესებულების იყო შესწავლა შეერთებული შტატების მატერ. სიმდიდრის და ენერჯის წყაროების და ერთგვარი საწარმოვო გეგმის შედგენა. შეუდგენ საქმეს სრული მეცნიერული ობიექტივობით. არავითარი წინასწარი იდეოლოგია მათ ხელს არ უშლიდა. შეადგრობეს აუარებელი სტატისტიკა. მასალა, დოკუმენტი და ათი წლის მუშაობის შემდეგ გამოუშვეს თავისი დასკვნები, რომელნიც წარმოადგენენ დაგროვილ ფაქტების მშრალს მეცნიერულ ინტერპრეტაციას. სხვათა შორის, მოყავთ შემდეგი მაგალითები: 1) ტექნიკური რაციონალიზაციის წინ ერთი მუშა ერთ წელიწადში დაამზადებდა 25 ტონა რკინას, 1929 წელს კი 4000 ტონას; 2) ახალი მანქანების შემოღების წინ ერთი მუშა დღეში დაამზადებდა 450 აგურს, ეს-ლე კი საშუალოთ 400.000 აგურს; 3) ფერმერს შეუძლია მანქანების საშუალებით გააკეთოს ერთ საათში რძენი საქმე, რომელსაც წინეთ უნდებოდა 3.000 საათი; 4) ქალაქი ნიუ ჯერსიში გაიხსნა ძაფის ფაბრიკა, რომელიც სრულ 24 საათს დღე და ღამე განუწყვეტლივ მუშაობს და არ სჭირდება არც ერთი მუშა. რადგან ფაბრიკას კანცელარიიდან «პრუყინით» ამუშავებენ. არის მთელი რიგი ტექნიკური გამოგონებებისა, რომლებიც განხორციელდა (მუდმივი წუმწემა და სხვა) გამოიწვევს სათანადო წარმოების დარგების ლიკვიდაციას. უმუშევრობას. უმუშევრობათა რიცხვი შეერთებულ შტატებში უდრის 14 მილიონს. თუ გამოყენებული იქნა ყველა ტექნიკური მიღწევები და პოტენციური რაციონალიზაცია დასრულებული იქნა—ამბობენ ტექნოკრატები.—უმუშევართა რიცხვი გადააცილებს 25 მილიონს.

ტექნოკრატები აცხადებენ, რომ ტექნოლოგიურმა უმუშევრობამ, ე. ი. მანქანის მიერ მუშის საწარმოვო პროცესიდან გამოყრამ წარმოშვა ისეთი პრობლემები, რომელთა გადაჭრა შეუძლებელია არსებულ ეკონომ. და სოციალურ მეთოდებით. მთელი ეკონ. კრიზისი იმაში მდგომარეობს, რომ ტექნიკის პროგრესმა რამდენიმე ათეული წლით გაუსწრო წინ საზოგადოების ორგანიზაციის პროგრესს; კატასტროფიულად იზრდება დისპროპორცია წარმოების სწრაფ მექანიზაციას და პოლიტიკური ორგანიზმის მიკიბულ-მოკიბულ განვითარებას შორის. ტექნო-

კრატები აყენებენ კაცობრიობის წინაშე დილემას: ან ტექნიკური განვითარების ძალათ შეჩერება ან და სწრაფი, გაბედული პოლიტიკური და სოციალური გარდაქმნა; უკუაგდებენ არსებულ ფინანსურ სისტემას (კრედიტის, ფულის ფასების სისტემას) და ინდივიდ. ანარქიული წარმოების მაგივრად გვირჩევენ დაგეგმულ ეროვნულ ეკონომიკას, განაწილების მოწყობას ახალ ნიადაგზედ. — ფულის ადგილას ენერჯის ნამუშევარი ერთეულის სახმის შემოღებას. ტექნოკრატების სტატისტიკური ზნით ამტკიცებენ, რომ თუ იქნა მათი სისტემა განხორციელებული, სრულიად კმარა 16 საათის სამუშაო კვირა, რომ შეერთებული შტატების ყველა მოქალაქემ იცხოვროს ათჯერ უკეთესად, ვიდრე დღევანდელი ცხოვრების სტანდარტი. ტექნოკრატების მნიშვნელობა იმაში არაა, რომ რამე სრულიად ახალი აზრი გამოთქვეს, არამედ იმაში, რომ ეს აზრი გამოითქვა ინჟინერების, ტექნიკოსების, ობიექტური მეცნიერების მიერ, მშრალი ციფრებით და საბუთებით. კონსერვატული, ლონდონის «Times» სწერდა ტექნოკრატების შესახებ: «ძირითათი პრობლემა, შექმნილი დღევანდელი ტექნოლოგიური» პროგრესით (ე. ი. წედმეტი ნაწარმოების დაგროვება და უმუშევრობა) ეჭვს გარეშეა. ცნობილია, რომ ბევრი მოაზროვნე ამერიკელი, მათ შორის პრეზიდენტ რუზველტის ბევრი ეკონომიური მრჩეველიც ტექნოკრატების დასკვნების დიდი გავლენის ქვეშაა. შეერთებული შტატების მუშა კლასი, ტექნოკრატების მეცნიერულ გამოკვლევის ძალით უკვე თხოულობენ სამუშაო დროის რადიკალურ შემცირებას. მაგრამ უფრო მნიშვნელოვანია ის, რომ ბევრი სხვა სოციალოგი და ეკონომისტი, თვით ჰუფერის კომიტეტიც იზიარებს ტექნოკრატების მთავარი დებულებების დიდ ნაწილს და მოითხოვენ რადიკალურ სოციალურ და ეკონომიურ რეფორმებს, რომ არ მოხდეს ცივილიზაციის სრული კატასტროფა».

გამოჩენილი ეკონომისტი ჰობსონ სწერს «მანჩესტერ გარდიან»-ში: «ვეთანხმები ამერიკ. ტექნოკრატებს, რომ უმთავრესი ნაწილი ესხანდელი უმუშევრობის ინდუსტრიულ ქვეყნებში არის რაციონალიზაციის შედეგი. ეს ტექნოლოგიური უმუშევრობა არ არის ახალი: ეკონომიური პროგრესი ყოველთვის მდგომარეობდა მუშა ხელის გამორიცხვაში საწარმოვო პროცესიდან, მაგრამ ასეთი უმუშევრები პოულობდნენ ადგილს ახალ დარგებში. თავისუფალ ალებშიცემობას არ შეუძლია ლიკვიდაცია უქნას წედმეტი ნაწარმოებს, ეს ქრონიკული მოვლენაა. ყოველი ახალი ნაწარმოები ადამიანის ნამუშევარის უფრო და უფრო ნაკლებ ნაწილს წარმოადგენს. ცხადია, გამოსავალი უნდა ვეძებოთ შემოსავლის და მყიდველობითი ძალის ისეთ განაწილებაში, რომ უღარიბეს წრეებსაც მიეცეს საშუალება დაიკმაყოფილონ თავისი ნამდვილი მოთხოვნილებები. არ შეიძლება რთული მსოფლიო ეკონომ. შექაჩვის სტიქიანე მიტოვება. რაციონალიზაციის მაგივრად საჭიროა ეკონომ. გეგმა როგორც ეროვნული, ისე საერთაშორისო».

(დასასრული იქნება)

მ. უ.

### ჩ ვ ე ნ ი კ ა რ ლ ი

კიდევ ერთი მგლოვიარე მოგონება, ერთი სატირალი წელი!

შვიდი წლის წინად დაეკარგეთ ქართველი ერის სიამაყე. მისი პირველი დამფუძნებელი კრების პირველი თავმჯდომარე — კარლო ჩხეიძე. მან ვერ აიტანა დაღუპულ სამშობლოზე მოზღვავებული უბედურება, ვერ შეურიგდა მტარვალთავან ერის დაკვლას, მის გათელვას და... სიცოცხლეზე ხელი დაიღო.

შვიდი წლის წინად ჩავსვენა და სამუდამოდ დაღუპა უდიდესი ტრიბუნის ენა, ჯერ კიდევ გუშინ უზარმაზარ იმპერიის მესაქის, სიცოცხლე. ვის არ ახსოვს კარლო დინჯი და ჩაფიქრებული, მკვეთრი გონების და ბასრათ მეტყველი; მისი მქუხარე გამოხვედები მეფის სათათბიროში, მისი იერიშები თვითმპყრობელობის ბუქებზე. ამ გამოსვლებმა მსოფლიოში გაისროლეს კარლოს სახელი, როგორც ქართველის, რევოლუციონერის და თავდადებული მებრძოლის.

კარლო უცხოეთშიაც იგივე კარლოა, მომქმედი და დაუღალავი. იგი ერთი ქვეყნიდან მეორეში გადადის და ყოველგან თავის ჩაგრულ ერს მეგობართ უძენს. დღე და ღამ მშობელ ქვეყანაზე ფიქრი. მისი დარღით დარღობა, მისი მწუხრით მწუხრობა — აი რა იყო კარლოს ხვედრი უცხოეთში, დევნილობაში, და კარლო დაეცა თავის პოსტზე დარღთა და ფიქრთა უიდილში.

ბოროტმა სძლია კეთილი. სიბნელემ ჩანთქა სინათლე. ტრალედია ერის იქცა პიროვნების ტრალედიათ. კარლო წავიდა ჩვენგან და თან წაიღო ჩვენი გული. მან დაგვიტოვა თავდადების მაგალითი, თავისი სული და სამშობლოს ურყევი სიყვარული. კარლოს სული ჩვენთანაა, მისი აზრები ჩვენსას გადანაღართვია, შედუღებულა და რწმენის ემბაში განბანილია. მისი უკანასკნელი ამოძახილი: «სამშობლოს მიხედეთ» — ჩვენი ანდერძია სამუდამამო და უცვლელი.

დღეს მსოფლიო ჰორიზონტზე შავი ღრუბლები წამოიშალენ, ჰაერი ქარიშხალით იყლინება; მეხის გავარდნას ყველანი ელიან. ხოლო მსოფლიო ქარტეხილში, დიდი ქვეყნების შეჯახებაში პატარები ადვილად გაიჟკლიტებიან. ამიტომ გვმართებს დიდი სიფიხნლე და გამჭირაობა, რომ ჩვენი ერი გადაურჩეს აბოზოქრებულ ბრძოლების ტალღებს და სამშვიდობოს გავიდეს. ეს ასეც მოხდება, ამის თავდება ქართველი ერის თავდადებული ბრძოლა, მის შვილთა მიერ დაღვრილი წმიდა სისხლი, რომელთა შორის ჩვენი კარლოს საყვარელი სახე განსაკუთრებით გვიღიმის და იმედს გვაძლევს. ვინ არ იცის, დამეს დღე მოსდევს, ბნელს სინათლე, აღმართს დაღმართი და მოხობას თავისუფლება! სადაც არის, ეს სანუკვარი ყამიც დადგება და მაშინ, ძვირფასო კარლო, იქ, ცის სივრცეში შენ გაიგონებ დიდების გულს, რომლის ერთი ნაკადი შენკენაც ჩამოცურდება და მოგიტანს სანატრელ ამბავს: ერის თავისუფლების.

მანამდე კი ჩვენ ვდგევართ შენს მიერ დატოვებულ სადარაჯოზე. ვაგრძელებთ შენს გზას და საქმეს საბოლოო გამარჯვებამდე.

მ—ლი.

კვირას ამა ივნისის 18-ს ნაშუადღევს მეოთხე საათზე პარიზის პერლაშენის სასაფლაოზე დიდძალი ქართველი საზოგადოების თანადასწრებით გადახდილ იქმნა სამოქალაქო პანაშვიდი კ. ჩხეიძის მოსაგონებლად. მეტად მსურვალე სიტყვა წარმოსთქვა ელ. მგელაძემ.

### წერილი ახმარიკიდან

უკანასკნელ დღეებში აქაური პრესა ისევ ალაპარაკდა რუსეთის ცნობაზე. მოყვანილია პოლიტიკოსების აზრები ცნობის სასარგებლოდ (რასაკვირველია, ბევრია წინამდევიც). დებარსიამ ამერიკას შეაცვლევინა 15 წლის შეხედულება. მაგრამ საკვირველი ისაა, რომ ამასთან ერთად ნახავთ პრესის ფურცლებზე სარკაზმს და დაცინვას ბოლშევიკებზე, მათ მოქმედებასა და ქვეყანაზე.

შთაბეჭდილება ასეთია: ვიცით, ბოლშევიზმი დამღუპველია თავის ქვეყნისა, ვიცით, მტერია პროგრესისა და კულტურისა. მთელი კაცობრიობისა, მაგრამ შესაძლებელია ბოლშევიკებთან ვაჭრობა სასარგებლო გამოდგეს ამერიკისთვისო.

13 მაისის ნიუორკის «ტაიმსმა» მოწინავე წერილების განყოფილებაში 2 წერილი მოათავსა ასეთი სათაურით: 1) «რუსეთი სტოვეს მანჯურისა», 2) «კომუნისმი ეთხოვება ჩინეთს». პირველში გაზეთი ამბობს, რომ ლიტერინგის განცხადება მანჯურის რკინის გზის შესახებ არის სენსაციონურიო. მანჯურის გზის, რომელიც ვაკეთებულია ნიკოლოზ მე-II მიერ ფრანგების ფულით, მიყიდვა რუსების მიერ იაპონელებზე ოხუნჯობა არ არისო. ეს ნაბიჯი გადადგმულია რუსების და არა იაპონელების მიერო. «შეტაკება იაპონიასთან სტალინს იმას მოუტანდა, რაც ნიკოლოზ მე-II-ს მოუტანა. ეს რკინის გზა საშინაო რუსეთისთვის და მისი ხელიდან გაშვება უკეთესია»-ო.

მეორე წერილში «ტაიმსი» ამბობს რომ მანჯურის რკინის გზის «ფაყიდვა» რუსეთის მიერ ნიშნავს რუსეთის კომუნისმის დამარცხებას ჩინეთშიო. «კომუნისტების საქვეყნო რევოლუცია დიდი ხანია გაჰქრა ევროპაში და ახლა თვითონ რუსეთი ამბობს: «მშვიდობით შორეულს აღმოსავლეთსო!»

ამავე ნომერში რედაქტორის მიმართ დაბეჭდილია ლიბ ჯორჯის ყოფილ მდივნის გ. ჯონსის წერილი, რომელიც თითქმის მთლად მოგვყავს. ის ამბობს: ჩემი დაბრუნებისას რუსეთიდან მარტის დამლევს განვაცხადებ ბერლინში გახვებთან ინტერვიუს დროს, რომ სადაც არ მივედი რუსეთის სოფლებში, ყველგან მესმოდა ყვირილი: «პური არ არის, ვინც ვებითო!» აგრეთვე ვსთქვი, რომ შიმშილი სიკვდილს უქადის მილიონობით რუსეთის ხალხს. ვოლტერ ღურანტიმ კი (ნიუორკის «ტაიმსის» კორეს-

პონდენტია მოსკოვში) მაშინვე დებეშები დააგზავნა, რუსეთში შიმშილობა არ არისო. ღურანტიმ განაცხადა, რომ შეეკითხა საბჭოთა კომისარიატს და საელოჩხას და გამოიტანა დასკვნა, თითქოს იქ «შიმშილი» არ იყოს, მხოლოდ სურსათის სერიოზული ნაკლებობაა მთელ რუსეთშიო... არც სიკვდილია შიმშილისაგან, მხოლოდ ვაგრძელებულია სიკვდილი ავადმყოფობისგან რომელიც გამოწვეულია საქმელის ნაკლებობით!..

ბ. ღურანტიმ აგრეთვე განაცხადა, რომ მე თითქოს საყოფი ცნობები არ მქონდა ჩემი შეხედულების გამოსათქმელად... და სხვა. ბ. ღურანტის აქ მინდა მადლობა უძღვნა ამერიკელ და ინგლისელ სტუდენტების დახმარების გაწვევისთვის, მაგრამ გადაჭრით უნდა მოვახსენო: მე ვიცავ ჩემს განცხადებას, რომ რუსეთი განიცდის სასტიკ შიმშილს. უნდა მოვახსენო ბ. ღურანტის, რომ ეს იყო ჩემი მესამე ყოფნა რუსეთში, რომ ოთხი წელიწადი ვსწავლობდი უნივერსიტეტში რუსულ ენას და ისტორიას. ჩემი განცხადება დამყარებული იყო უპირველესად ჩემი თვალთ ნახულებზე. უკანასკნელ იქ ყოფნის დროს დავიარე 20 სოფელი არა მარტო უკრაინის და შავი მიწის რაიონებისა, არამედ მოსკოვისაც. განსაკუთრებულ დროს ვანდომებდი იქ გაჩერებას და ღამეებს ვათენებდი გლეხების ქოხებში. რადგან ბ. ღურანტი იხსენიებს საბჭოთა ოფიციალურ პირებს, ვისი სიტყვები რასაკვირველია საყურადღებო არ არის, მოვახსენებთ, რომ მე ვიმსჯელებ რუსეთის მდგომარეობაზე იქ სხვადასხვა ქვეყნის ოცდაათამდე კონსულთან და დიპლომატთან და ყველა ერთმანდ ეთანხმებოდა ჩემს შეხედულებას. მაგრამ მათ ნება არა აქვთ, გამოსთქვან თავისი აზრი პრესაში, მაშასადამე გაჩუმებულნი არიან. ცენზურის გამო რუსეთში მყოფი ყურანლისტები დახელოვნებული არიან ქარაგმით, შეფარვით წერას და არა ნამდვილი სიტყვების ხმარებას. მაგ. შიმშილს ისინი უწოდებენ «სურსათის ნაკლებობას», «შიმშილისაგან სიკვდილს»—არა ნამდვილ სიკვდილს...» და სხვა.

მეორედ, ჩემი მოწმობა დამყარებულია რუსეთის გლეხებთან საუბარზე, რომლებიც ჩამოდიოდნენ ქალაქებში პურის საშოვნელად რუსეთის სხვადასხვა კუთხეებიდან. მათი ნაამბობი ხალხის და საქონლის სიკვდილზე შიმშილისაგან საშინელი იყო. სხვა და სხვა პირების ნათქვამი ერთი მეორეს ემსგავსებოდა.

მესამედ, ჩემს შეხედულებას ამტკიცებდნენ რუსეთში მყოფ გერმანელ კოლონისტების წერილები, სადაც ისინი ეხვეწებოდნენ გერმანიაში მცხოვრებთ შველას. მათი ტიპიური წერილები ასეთი იყო: «ჩემი ძმის ოთხი ბავში დაიხცა შიმშილისგან». «ჩვენ არა გვქონია პური უკანასკნელ ექვსი თვის განმავლობაში»... «თუ შველა არ მივიღებ სახლვარ გარედან, ჩვენ არაფერი დაგვრჩენია სიკვდილის გარდა»... და სხვა.

მეოთხედ, მე მოვკრიფე ცნობები ყურანლისტებისა და ტექნიკოსებისგან, ვინც იყვნენ რუსეთის სხვადასხვა კუთხეში. მაგალითად «მანჩესტერ გარდინა»-ში, რომელიც მეტისმეტ სიმპატიურად არის განწყობილი რუსეთის რეჟიმის მიმართ, დაიბეჭდა

მარტის 25, 27 და 28 ნომრებში წერილები (არ გაუქლიათ ბოლშევიკების ცენსურის ქვეშ) ჩრდილოკავკასიაში მყოფ კორესპონდენტის, რომელიც სწერდა: «რომ ვთქვა ამ რუსეთის საუკეთესო ნაციურ კუთხეში მიმშილობა, ეს არ იქნებოდა მთელი სიმართლე, რადგან აქ არის არა მარტო მიმშილობა არამედ ომი, მილიტარული ოკუპაცია... უკრაინაზე ის სწერს: «ხალხი მიმშილით იხრცება»...

ჩემი უკანასკნელი მოწმობა დამყარებულია გლეხების გადმოცემულ ფაქტებზე. მე ველაპარაკე რამდენიმე ასს გლეხს. ყველას თითოეულად, კერძოდ და ჩავიწერე მათი გადმოცემული, რაიც საშინელი განაჩენია ბოლშევიკების მოქმედებისა, მათი აგრესიულტურული პოლიტიკისა.

გლეხებმა სთქვეს გადაჯრით, რომ მიმშილობა ახლა უარესია, ვიდრე იყო 1921 წელში, რომ გლეხობა იხრცება მიმშილისგან და სხვ.

ბ. გ. ჯორის თვის წერილს ასე ათავებს: «ნება მიბოძეთ მოულოცო საბჭოთა საგარეო კომისარიატს დახელოვნება იმის დამალვაში, რაც რუსეთში ხდება! მოსკოვი რუსეთი არ არის. მოსკოველების გარგვნობა ვერ დამალავს ნამდვილი რუსეთის მდგომარეობას»-ო.

ნაური.

ალექსი მდივნის ღამოაწინება

ამა იენისის 22-ს დიდი ზეიმით ჯვარი დაიწერა პარიზში ჩვენმა თანამემამულემ ალექსი მდივანმა, ჩვენში კარგად ცნობილ გენერალ ზაქარია მდივნის ვაჟმა, ამერიკელ ქალზე ბარბალე ჰატენზე. ამ დაქორწინებას წინ უძღვოდა დიდი ახმაურება ამერიკის და ევროპის პრესაში. საქმე ისაა, რომ ბ. ჰატენი ერთი უმდიდრეს ქალთაგანია მთელ ამერიკაში და ამავე დროს იზვიათი სილამაზის და მისი ხელის მთხოვნელი იყვნენ ბევრნი ფრიად წარჩინებული პირნი.

მაგრამ ყველაზე ბედნიერი აღმოჩნდა ქართველი ალექსი მდივანი, რომელიც ახალგაზდა ქალის გულმა აირჩია მეუღლედ.

ქორწილს დაესწრენ გარდა ნათესავების და ქართველობისა, პარიზის წარჩინებულ წრეების მრავალნი წარმომადგენელნი და საგანგებოთ ამერიკიდან და ინგლისიდან ჩამოსული ცნობილი პირები. ფრანგულ, ინგლისურ და ამერიკულ გაზეთებში დაიბეჭდა ფართო ცნობები როგორც ქორწილის ისე საქართველოს შესახებაც.

ვუსურვებთ ახლად ჯვარდაწერილებს სრულს ბედნიერებას და იმედს გამოვსთქვამთ, რომ ისინი იქნებიან ერთგულნი და თვალსაჩინო წევრნი ჩვენი ეროვნული ოჯახისა და არ მოაკლებენ თავის ერს ყურადღებას და სამსახურს.

26 მაისი პარიზში

პარიზში მყოფმა მრავალმა ქართველმა მოიყარა თავი ისტორიული დღის აღსანიშნავად და საზეიმოდ. დარბაზში ტევა არ იყო, როცა საფრანგეთში მყოფ ქართველთა ასოციაციის თავმჯდომარემ ბ-ნმა გიორგი ყურულმა საზეიმო სხდომა გახსნა. ქართველმა გუნდმა დაიწყო «დიდება», რომელსაც ფეხზე ამდგარი საზოგადოება თვითონ აპყვა. ბ-ნ ყურულმა ჯერ ფრანგულად და შემდეგ ქართულად მიმართა სიტყვით საზოგადოებას 26 მაისის დღის მნიშვნელობის შესახებ. გ. ყურულის სიტყვის შემდეგ მ. მუსხელიშვილმა გააკეთა მოხსენება საქართველოს საკითხისა და კავკასიის კონფედერაციის შესახებ (ეს მოხსენება დაიბეჭდება შემდეგ ნუმერში).

სიტყვებს მოყვა კონცერტის განყოფილება, ბ-ნი ნაოზაშვილი მღეროდა ქართულ სიმღერებს. რაც საზოგადოებამ რამდენიმეჯერ გაამეორებინა. ავანტამოვის ასულმა ფრიად მოხდენილად შეასრულა ქართული რომანსები და რაც მოულოდნელი იყო, საღამოზე მობრძანდა ორი ფრანგი მომღერალი ქალი, რომელთაც გვიმღერეს შესანიშნავი ღუეტი, მათ საზოგადოებამ დიდი ოვაცია გაუმართა. შემდეგ დაიწყო ლეკური, —ქართული ადათით დამუშავებული ეს ცეკვა მოხდენილად და კონტად შეასრულა ქ ბ. დავრიშაშვილმა; ლეკური იცეკვა აგრეთვე ერთმა ინგლისელმა ასულმა, —ეს ისე მოულოდნელი იყო და ცეკვავდა იგი ისე ლამაზად, რომ მას რამდენჯერმე გაამეორებინეს ცეკვა. გვეწვივნენ აგრეთვე ჩვენი მეზობლები მთიდან, რომელთაც (ქალმა და კაცმა) შესანიშნავათ შეასრულეს «ნაურსკი», —უკრავდა თარი, —ეს ჩვენი ცეკვისათვის, მაგრამ აგრეთვე ჯახიც, რათა აქაური ცეკვითაც ესიამოვნა ხალხს.

ამ საღამოს დაესწრენ ყველა მეზობელთა წარმომადგენლები და ფრანგებიც. ხალხი მეტად ნასიამოვნები დაიშალა. N.

26 მაისი პრალაში

26 მაისს აქ გაიმართა დიდი საზეიმო სხდომა ჩვენი დამოუკიდებლობის წლის თავის აღსანიშნავათ და პატივსაცემლათ. ეს მრავალრიცხოვანი კრება, რომელსაც დაესწრენ ჩვენი, უკრაინელების, ბელორუსების, სომხების, ყაზახების და რუსების პოლიტიკურ-კულტურულ საზოგადოებათა წარმომადგენელი, ჟეშმაროტათ გადაიქცა ბრწყინვალე პოლიტიკური მანიფესტაციით საქართველოს და საბჭოთა კავშირში მომწყვდეული ერების სასარგებლოთ. თავმჯდომარეობდა მას რესპუბლიკის სენატის თავმჯდომარე ფრ. სოუკუპი.

არზ. ემუხვარი მშობლიურ ენაზე მიმართავს მილოცვით თანამემამულეებს და მიესალმება სტუმრებს. ქ-ნ ნ. აიოლოს მიერ შესრულებულ იქნა ეროვნული პიმნი. ემ. ლომთაიძე აკეთებს ვრცელ მოხსენებას იმ ბრძოლების შესახებ, რომელსაც გოლგოთად გადაქცეული საქართველო ეწევა შინ, და გარეთ კი მის საერთაშორისო უფლების დასაცავათ და საზოგადოებრივი აზრის მოსაპოვებლათ მოღვა-



წოდებენ მისი ეროვნული მთავრობა უკრდანისა მეთაურობით და მის გარშემო შემოკრებილი ქართული ემიგრაცია—ერთგულნი შვილნი წამებული ქვეყნის. აღნიშნავს შესაფერ მდღევებს საზოგადოებრივი აზრის მოპოების სფეროში და მას თანდათან გაფართოებაში. ეს მიგვაჩინა ჩვენ, ამბობს ის, ერთ-ერთ ფაქტორათ, რომ ჩვენმა ხალხმა ხელახლა მოაწყოს თავისი ცხოვრება 26 მაისის საფუძველზე. ამიტომაც, როგორც იქ ჩვენი სამშობლოში, ისე აქ უცხოეთში, ჩვენ ყველა დიდი ყურადღებით ვადევნებთ თვალყურს ჩვენი მტერ მოყვრის გამოსვლებს და ვიწვრთ მას გულის ფიცარზე. მივესალმებით რა დღეს აქედან ჩვენს ერს, ვუთვლით მას: ქართველო ერო, დღევანდელ შენს ბრძოლაში შენ არ ხარ მარტო, არ ხარ მიტოვებული, შენთან არიან შენი ერთგული მოკავშირენი, შენი მეგობრები. შენთვის მუშაობს ისტორია. შენ გაიმარჯვებ; «დადგება დრო, როცა ხელახლა თვით შენ იქნები შენი საქმეების გამძლეო!» (ამ სიტყვებით მიმართა სამაის წლის წინათ ავსტრიასან ბრძოლაში თავის ქვეყნის უდიდესმა შვილმა ამოს კამენსკმა, როგორც ემიგრანტმა, დამარცხებულ ჩეხიას და ამ სიტყვების მოგონებით დაიწყო პირველი მიმართვა (მანიფესტის) პრეზიდენტმა მასარიკმა განთავისუფლებულ ქვეყნისადმი).

სიტყვას ამბობს ფრ. სოუკუბი, რომელიც რამდენიმეჯერ იქნა შეწყვეტილი მხურვალე ტაშით. ნება მივცით. იწყებს ის, მივესალმო საერთოთ ამ კრებას და კერძოთ ქართველებს საქართველოს პრეზიდენტს. უკრდანისას ხსელით. აი ეს არის დაებრუნდი პარიზიდან, სადაც მე მომეცა საშუალება შევხვედროდი ამ იშვიათ ადამიანს. მე მასთან ერთათ შევხვდი კიდევ ჩემს მეგობრებს ჩხენკელს და გვარჯალაძეს. წაუშლელი დარჩება ეს შეხვედრა ჩემს მესხიერებაში. ჩემი მხურვალე სურვილია რომ მომესწრას დღე, როცა ჩემ მეგობარ ქართველებს ვნახავ იქ, თავისუფალ საქართველოში. გთხოვთ კიდევ მიიღოთ სალაში და მილოცვა დღევანდელ დღეს ამ ჩემი დიდათ პატივცემული მეგობრებისაგან. შემდეგ ორატორი ეხება დღევანდელ საერთაშორისო მდგომარეობას, ჩერდება საბჭოთა რუსეთის კატასტროფიულ მდგომარეობაზე, რომელიც ართმევს მას საშუალებას ღირსეულათ დაიცვას თავის ქვეყანა და პრინციპები (ორატორს სახეში აქვს საბჭოების და ჰიტლერის ურთიერთობა). ის გამოთქვამს იმედს, რომ როგორც საქართველოს, ისე კავკასიის ერებს კვლავ დაუბრუნდება თავისუფლება.

სიტყვებით და მილოცვებით მიმართავენ პრეზიდენტს სტუმრები—რომელთა შორის აღნიშნავთ განსაკუთრებით რუსის ვ. ჩერნოვის და უკრაინელის გრიგორიევის (სოც. რევ.) გამოსვლას. პირველი კატეგორიულათ და დამსწრე რუსების საყურადღებოთ აცხადებს—რომ არ არის დემოკრატია, თავისუფლება და სოციალიზმი ეროვნული თვითგამორკვევის გარეშე; თუ არ არის თავისუფალი პიროვნება და ერთი—ყოველწარმო რეჟიმი ვადაიქცევა ბლოშევიკურ ყაზარმათ. ვისაც არ ყოფნის გაბედულება ეს იწამოს და განაცხადოს—ტყვილათ ნუ ჩემულობს ნურც სოციალისტობას, ნურც დემოკრატობას.

უდიდესი გერცენი არ შეუშინდა პოპულიარობის დაკარგვას და აშკარათ დადგა პოლონეთის მხარეზე და მოუწოდებდა რუსებს პოლონეთის აჯანყების დასახმარებლათ.

გრიგორიევი კი მოუწოდებს უკრაინელებს გაიხადონ ნიმუშათ ქართველები, რომლებიც გარეშე მტერთან ბრძოლაში არიან ერთათ, ერთ ფრონტში, აქვთ ერთი ორიენტაცია. ეს არის ორიენტაცია საქართველოზე და მხოლოთ საქართველოზე. ჩვენ კი სამწუხაროთ, ამბობს ის, ვერ მოგვიჩვენებია ასეთი ფრონტის შედგენა, ასეთი გაერთიანება და გააქვს მთელი რიგი ორიენტაციების. ქებათა შესწმის შემდეგ ორატორი უსურვებს საქართველოს მისი ბრძოლის მალე დაგვირგვინებას.

თავმჯდომარე საბოლოო სიტყვაში ამბობს: იმედია ნებას მომცემთ, რომ გაუგზავნოთ აქედან სალამი თქვენს ნოე უკრდანისას და ჩვენ ძველ მეტროპოლს თომა მასარიკს. კრება ფეხზე ადგომით და ოვაციით დასტურებს თავმჯდომარის სურვილს.

კვლ.

### მ რ თ ა ლ ი ბ ი ს

დაძმხმარე ახლგიაგიათა საერთაშორისო კავშირის მქვიდმეტე კონგრესი.

ეს კონგრესი შესდგა წელს მიმდინარე ივნისის დასაწყისში შვეიცარიის პატარა ქალაქ მონტრეში ცნობილ ლორდ სესილის თავმჯდომარეობით. შვიდი დღის განმავლობაში ფრიად საინტერესო და ძლიერ ცხარე კამათს ჰქონდა ადგილი.

წამოიჭრა განსაკუთრებული სიმწვავეთ გერმანიაში მომხდარი ამბები. ეს შეეხებოდა უმთავრესათ იქ ებრაელებისათვის შექმნილ მდგომარეობას. წამოყენებულ იქნა დიდი ბრალდებები და მოითხოვდენ აშკარათ მსჯავრის დადებას რეზოლიუციის მიღებით. ცხადია, მოკლეთ რომ სთქვამთ, ასეთ კონგრესზე არც ებრაელების გადაჭარბებული ბრალდებები და არც გერმანელების ვეტო რეზოლიუციის წინამდებე დაშვებული არ იქნებოდა. მაგრამ ღირსეული რეზოლიუცია მაინც იქნა მიღებული, რომლის ძალით სპეციალური კანონები უნდა გაუქმდეს და ლტოლვილებს დახმარება გაუწიონ.

ჩვენთვის განსაკუთრებით საყურადღებოა კონგრესის მიერ მიღებული ორი რეზოლუცია: ერთი შეეხება საბჭოთა კავშირში არსებულ ძალდატანების მთელ მუშაობას, რომლის მიღება შარშან პარიზში ინგლისელებმა და ჰოლანდიელებმა ჩაშალეს იმპერიალისტური მოსახრებით, რადგან ძალდატანებითი მუშაობა თურმე საჭირო ყოფილა არა მარტო წითელი იმპერიალიზმის ტირანიისათვის, არამედ კოლონიებშიც და რასაკვირველია მთელი კაცობრიობის სადღეგრძელოთ! მაგრამ ერთი რამის მოგონებამ წელს იმოქმედა და რეზოლუცია უდიდესიოთ ერთმანთ მიადებია: დედამიწის «ერთი მეექვსედი» კოლონია არ არის, რომ იქ არიან ისეთი ერებიც, რომელთაც ევროპელებზე ადრე ჰქონდათ თავიანთი «მე». დავსძენთ, რომ ეს რეზოლუცია უკრაინის ასოციაციას ეკუთვნის.

მეორე შეეხება ადამიანის მინიმალურ უფლებებს. ეს რეზოლუცია წარმოსდგა რუსულ ასოციაციის სახელით. მისი ავტორია ცნობილი იურისტი მანდელშტამი. მის ირგვლივ გაიმართა სასტიკი კამათი, მას აღმოაჩნდა შეუურიგებელ მტრებათ იგივე კოლონიალური ქვეყნები ინგლისი და პოლანდია და მობოლშევიზანო ბელგიელი იურისტი როლენი, რომელიც თვით იყო პოლიტიკურ და იურიდიულ კომისიის თავმჯდომარე. თავმჯდომარის წინადადებით კრებამ სარედაქციო კომისია აირჩია, რომელშიაც თვით თავმჯდომარე შევიდა. ცხარე კამათი გაიმართა კომისიის მოხსენების შემდეგაც. ძლიერი სიტყვა წარმოსთქვა საკასაციო პალატის წევრმა დიუმამ, სადაც ქართველებიც გრძნობიერათ მოიხსენია და რეზოლუცია შესწორებით იქნა მიღებული, ერთა ლიგას ავალებს მოიწვიოს სპეციალური კონფერენცია ყველა სახელმწიფოების ადამიანის უფლებათა დასაცავ კონვენციის შესამუშავებლად.

დასასრულ საქიროა აღინიშნოს ის ერთსულოვანი თანაგრძობა, რომლითაც კონგრესმა მოისმინა მოკლე მოხსენება ქართული ასოციაციის წარმომადგენლის. შავიშვილმა თავის სიტყვაში მოიგონა თავმჯდომარე ლორდ რობერტ სესილის წინასწარმეტყველური სიტყვები, წარმოთქმული ერთა ლიგის პირველ ყრილობაზე, თუ დაუყოვნებლივ არ მივიღებთ საქართველოს წევრათ. ბოლშევიკური იმპერიალიზმი თავს დაესხმება და დაიპყრობსო. მან უამბო კრებას, რა ძნელ პირობებში უხდება მუშაობა ქართულ ასოციაციას, რომ ერი უფლებდა აყრილია და იბრძვის უფლების მოსაპოვებლათო. და როცა თავმჯდომარემ სთხოვა ასოციაციის მოღვაწეობაზე გველაპარაკეთ და არა საერთო პოლიტიკაზეო: ხ. შავიშვილმა მიუგო საერთო ტაშისცემის ქვეშ (განსაკუთრებით ფრანგების და ინგლისელების): ჩვენ ყველა ვიბრძვით მშვიდობიანობისათვის, მაგრამ ეს ბრძოლა უნაყოფო იქნება, სანამ ერია დაჩაგრული, რადგან მშვიდობიანობა შეუძლებელია თავისუფლების გარეშეო. ყველა კონგრესზე მიღებული რეზოლუციები წარედგინა ერთა ლიგას 8 ივნისს განსაკუთრებული დელეგაციის საშუალებით.

**ქაქუცა ჩოლოყაშვილის ხსოვნას**

25 ივნისს, ჩვენი ეროვნული გმირის ქაქუცა ჩოლოყაშვილის გარდაცვალების წლის თავზე მის საფლავზე გადახდილი იქმნა პანაშვიდი. პანაშვიდი გადაიხდა მღ. ფერაქემ, ვალობდა ქართული გუნდი. პანაშვიდს ქართველი საზოგადოება ბლომად დაესწრო. პანაშვიდის შემდეგ სიტყვა წარმოსთქვა ფრ. წულუკიძემ. ის სავსებით მოხდენილი იქნებოდა, რომ ორატორს ნაწილობრივ ჯგუფური პროპაგანდისთვის არ გამოეყენებინა. როგორც სჩანს ქართულ ემიგრაციის წრეებში ყველას არ აქვს კიდევ შეგნებული, თუ რას ნიშნავს ეროვნული გმირი და როგორი ხასიათის სიტყვა და მოგონება შეეფერება მის საფლავს. სამწუხაროა, მაგრამ ამ საგანზე მსჯელობის გამართვა დაგვიკრძდება, რომ მომავალში მაინც არ გამეორდეს მსგავსი რამ.

**ქართული საზოგადოება ერთა ლიგისთვის**

11 ივნისს შესდგა საზოგადოების საჯარო კრება, რომელზედაც ბ. კ. გვარჯალაძემ წაიკითხა მოხსენება: საქართველოს საკითხი, ერთა ლიგა და ინტერნაციონალი. მოხსენება ვრცელი იყო და შინაარსიანი. კამათში ბევრმა მიიღო მონაწილეობა და ის არ დასრულებულა. კრების გაგრძელება მოხდება 2 ივნისს, რომელზედაც ეს კამათი დასრულდება. კრების ანგარიშს შემდეგ ნომერში მოვთავსებთ.

**კავკასიის პროკლემა**

გამოვიდა რუსულ ენაზედ დ. ვაჩნაძის წიგნაკი «კავკასიის პრობლემა». ის წარმოადგენს მოხსენებას, რომელმაც დიდი გამოხმაურება გამოიწვია რუსულსა და სომხურ პრესაში. მის შინაარს შემდეგ შევხებით. წიგნაკის შეძენა შეიძლება გამომცემელ დ. ხელაძესთან: 50, rue Fobourg du Temple. Paris.

**ფრანგულ-კავკასიური სტამბა**

30 მაისს პარიზში გაიხსნა «ფრანგულ-კავკასიური სტამბა» დ. ხელაძის მეთაურობით. სტამბა მშვენივრად არის მოწყობილი და შეუძლია შეასრულოს ყოველი სამუშაო როგორც ევროპიულ ისე კავკასიურ ენებზე. მოთავსებულია Fobourg du Temple 50.

**ფიჩილი რედაქციის მიმართ**

მატონო რედაქტორო,  
უმორჩილესათ გთხოვთ ნება მომცეთ თქვენი გაზეთის საშვალებით მადლობა, გამოუცხადო მთავრობის თავმჯდომარეს ბ-ნ ნოე ჟორდანისა და ყველა მათ, ვინც კეთილ ინება და თანამიგრძნო პირადათ, წერილობით თუ პანაშვიდზე დასწრებით (2 მაისს ქ. ვარშავაში) საყვარელი დის—ლიდიკოს—უდროთ დაკარგვით გამოწვეულ ამ ჩემთვის უბედურობის დროს (გარდაიცვალა საშურში მიმდინარე წლის 9 მარტს და დასაფლავებულ იქნა ლანჩხუთში 14 მარტს).

გეტე იმნაძე.

**გ ა ნ ც ხ ა ღ ე ბ ა**

1921 წელს დაკარგე შვილი, 17 წლისა, მეშვიდე კლასის მოწაფე გიორგი გოდერძიშვილი.

ვთხოვ ყველას, თუ ვინმემ გაიგოს რამე მის შესახებ, მაცნობეთ ამ მისამართით:

ტფილისი, მალაკის ქუჩა № 25.

გონა გოდერძიშვილი.